



An Bhruiséil, 4 Nollaig 2018
(OR. en)

15146/18

**Comhad Idirinstitiúideach:
2018/0228(COD)**

TRANS 613
FIN 965
CADREFIN 397
POLGEN 241
REGIO 143
ENER 421
TELECOM 449
COMPET 845
MI 933
ECO 113
CODEC 2207
IA 407

TORADH NA nIMEACHTAÍ

ó:	Ardrúnaíocht na Comhairle
chuig:	na toscaireachtaí
Uimh. an doic. roimhe seo:	14712/18 TRANS 574 FIN 921 CADREFIN 375 POLGEN 233 REGIO 132 ENER 397 TELECOM 434 COMPET 816 MI 894 ECO 106 CODEC 2107 IA 394 + COR 1
Uimh. an doic. ón gCoim.:	9951/18 TRANS 257 FIN 456 CADREFIN 87 POLGEN 83 REGIO 40 ENER 229 TELECOM 175 COMPET 436 MI 448 ECO 49 CODEC 1023
Ábhar:	Togra le haghaidh Rialachán ó Pharlaimint na hEorpa agus ón gComhairle lena mbunaítear an tSaoráid um Chónascadh na hEorpa agus lena n-aisghairtear Rialachán (AE) Uimh. 1316/2013 agus Rialachán (AE) Uimh. 283/2014

Gheobhaidh na toscaireachtaí san Iarscríbhinn a ghabhann leis seo, téacs an Chuir Chuige
Ghinearálta pháirtigh maidir leis an togra thuasluaite, mar a ghlac an Chomhairle Iompair
Teileachumarsáide agus Fuinnimh (Iompar) é ar an 3 Nollaig 2018.

Togra le haghaidh

RIALACHÁN Ó PHARLAIMINT NA hEORPA AGUS ÓN gCOMHAIRLE

lena mbunaítear an tSaoráid um Chónascadh na hEorpa agus lena n-aisghairtear Rialachán (AE) Uimh. 1316/2013 agus Rialachán (AE) Uimh. 283/2014¹

(Téacs atá ábhartha maidir le LEE)

TÁ PARLAIMINT NA hEORPA AGUS COMHAIRLE AN AONTAIS EORPAIGH,

Ag féachaint don Chonradh ar Fheidhmiú an Aontais Eorpaigh, agus go háirithe Airteagal 172 agus Airteagal 194 de,

Ag féachaint don togra ón gCoimisiún Eorpach,

Tar éis dóibh an dréachtghníomh reachtach a chur chuig na parlaimintí náisiúnta,

Ag féachaint don tuairim ó Choiste Eacnamaíoch agus Sóisialta na hEorpa²,

Ag féachaint don tuairim ó Choiste na Réigiún³,

Ag gníomhú dóibh i gcomhréir leis an ngnáthnós imeachta reachtach,

¹ Grinnscrúdú parlaiminteach: U.K.

² IO C , , lch. .

³ IO C , , lch. .

De bharr an méid seo a leanas:

- (1) Chun fás cliste, inbhuanaithe agus uilechuimsitheach a bhaint amach agus chun cruthú post a spreagadh, tá bonneagar ardfheidhmíochta atá cothrom le dáta de dhíth ar an Aontas chun an tAontas agus a réigiúin uile a nascadh agus a chomhtháthú in earnáil an iompair, in earnáil na teileachumarsáide agus in earnáil an fhuinnimh. Ba cheart do na naisc sin cabhrú le saorghluaiseacht daoine, earraí, caipitil agus seirbhísí. Ba cheart do na gréasáin thras-Eorpacha cabhrú le naisc thrasteorann a éascú, comhtháthú eacnamaíoch, sóisialta agus críochach a chothú, cur le geilleagar margaidh shóisialta níos iomaíche agus an t-athrú aeráide a chomhrac.
- (2) Is é is aidhm don tSaoráid um Chónascadh na hEorpa (an "Clár") dlús a chur leis an infheistíocht sna gréasáin thras-Eorpacha agus maoiniú a ghairiú ón earnáil phoiblí agus ón earnáil phríobháideach araon, agus an deimhneacht dhlíthiúil a mhéadú agus an prionsabal maidir le neodracht na teicneolaíochta a urramú ag an am céanna. Ba cheart a áirithiú leis an gClár go bhféadfar lántairbhe a bhaint as na sineirgíochtaí idir earnáil an iompair, earnáil an fhuinnimh agus earnáil na seirbhísí digiteacha, agus, ar an gcaoi sin, cur le héifeachtacht bhearta an Aontais agus costais cur chun feidhme a bharrfheabhsú.
- (3) Ba cheart don Chlár a bheith dírithe ar thacaíocht a chur ar fáil don athrú aeráide, do thionscadail atá inbhuanaithe ó thaobh an chomhshaoil agus na sochaí de agus, i gcás inarb iomchuí, do bhearta chun an t-athrú aeráide a mhaolú agus chun oiriúnú dó. Ba cheart, go háirithe, an méid a chuireann an Clár le gnóthú spriocanna agus chuspóirí Chomhaontú Pháras, agus na spriocanna aeráide agus fuinnimh atá beartaithe do 2030, agus chuspóir fadtéarmach an dícharbónaithe, a neartú.

- (4) Mar léiriú ar a thábhachtaí atá sé dul i ngleic leis an athrú aeráide i gcomhréir le gealltanais an Aontais Comhaontú Pháras a chur chun feidhme, agus leis an ngealltanais maidir le Spriocanna Forbartha Inbhuanaithe na Náisiún Aontaithe, ba cheart don Rialachán seo, dá bhrí sin, an gníomhú ar son na haeráide a phríomhshruthú agus sprioc fhoriomlán [25]% de chaiteachas buiséadach an Aontais a ghnóthú maidir leis an tacaíocht do chuspóirí aeráide⁴. Ba cheart do ghníomhaíochtaí faoin gClár seo cuidiú le 60% d'imchlúdach airgeadais foriomlán an Chláir ar chuspóirí aeráide, atá bunaithe, *inter alia*, ar na marcóirí Rio seo a leanas: i) 100 % maidir leis an gcaiteachas a bhaineann le bonneagar iarnróid, breoslaí malartacha, iompar uirbeach glan, tarchur leictreachais, stóráil leictreachais, greillí cliste, iompar CO₂ agus fuinneamh in-athnuaite; ii) 40 % maidir le huiscebhealaí intíre agus iompar ilmhódach, agus bonneagar gáis – dá mba é an toradh air sin méadú ar úsáid na hidrigine in-athnuaite nó an bhithmheatáin. Sainithneofar gníomhaíochtaí ábhartha le linn ullmhú agus chur chun feidhme an Chláir, agus déanfar athmheasúnú ar na gníomhaíochtaí sin mar chuid de na meastóireachtaí agus na próisis athbhreithnithe ábhartha. D'fhonn a sheachaint go mbeadh an bonneagar sin i mbaol de thoradh tionchair a d'fhéadfadh a bheith ag athrú aeráide fadtéarmach agus chun a áirithiú go mbeidh an costas a bhaineann le hastaíochtaí gás ceaptha teasa a thagann as an tionscadal san áireamh sa mheastóireacht eacnamaíoch ar an tionscadal, ba cheart do na tionscadail a fhaigheann tacaíocht faoin gClár a bheith faoi réir díonadh ó thaobh na haeráide de i gcomhréir le treoir a chaithfidh an Coimisiún a fhorbairt i gcomhréir leis an treoir atá forbartha le haghaidh cláir eile de chuid an Aontais i gcás inarb ábhartha.
- (5) D'fhonn cloí leis na hoibleagáidí tuairiscithe a leagtar síos in Airteagal 11(c) de Threoir 2016/2284/AE maidir le hastaíochtaí náisiúnta truailleán áirithe san aer a laghdú, lena leasaítear Treoir 2003/35/CE agus lena n-aisghairtear Treoir 2001/81/CE, déanfar an caiteachas a bhaineann le laghdú astaíochtaí nó truailleán aeir faoin Treoir sin a rianú a fhad a bhaineann sé leis an úsáid a bhainfear as cistí an Aontais chun tacú leis na bearta a rinneadh d'fhonn cloí le cuspóirí na Treorach sin.

⁴ COM(2018) 321, leathanach 13

- (6) Cuspóir tábhachtach de chuid an Chláir seo is ea sineirgíochtaí breise a chruthú idir earnáil an iompair, earnáil an fhuinnimh agus earnáil na seirbhísí digiteacha. Chun na críche sin, ba cheart foráil a dhéanamh sa Chlár maidir le cláir oibre thrasearnála a ghlacadh a d'fhéadfadh aghaidh a thabhairt ar réimsí idirghabhála sonracha, mar shampla maidir le soghluaisteacht nasctha agus uathoibrithe nó breoslaí malartacha. Lena chois sin, ba cheart don Chlár an deis a thabhairt, i ngach earnáil ar leith, a mheas go bhfuil comhpháirteanna coimhdeacha áirithe a bhaineann le hearnáil eile incháilithe, i gcás ina gcuirfeadh cur chuige den sórt sin le sochar socheacnamaíoch na hinfheistíochta. Ba cheart sineirgíochtaí idir na hearnálacha a spreagadh leis na critéir dhámhachtana maidir le roghnú na ngníomhaíochtaí.
- (7) I dtreoirilínte an ghréasáin thras-Eorpaigh iompair (TEN-T) mar a leagtar síos iad i Rialachán (AE) Uimh. 1315/2013 ó Pharlaimint na hEorpa agus ón gComhairle⁵ (dá ngairtear "treoirilínte TEN-T" ina dhiaidh seo), déantar bonneagar TEN-T a shainiú, na ceanglais atá le comhlíonadh ag an mbonneagar sin a shonrú agus déantar foráil maidir le bearta do chur chun feidhme na gceanglas sin. Tá sé beartaithe go háirithe sna treoirilínte sin go gcríochnófar an croíghréasán faoi 2030 trí bhonneagar nua a chruthú agus tríd an mbonneagar atá ann cheana a uasghrádú agus a athchóiriú go mór d'fhonn leanúnachas an ghréasáin a áirithiú.
- (7a) Ba cheart go gcuirfeadh an clár le croíghréasán TEN-T a chur i gcrích i ngach modh iompair, lena n-áirítear bóithre sna Ballstáit sin a bhfuil riachtanais mhóra infheistíochta fós orthu d'fhonn a gcroíghréasán bóthair a chríochnú.
- (8) D'fhonn na cuspóirí a leagtar síos i dtreoirilínte TEN-T a ghnóthú, is gá tacaíocht a thabhairt mar thosaíocht do na naisc thrasteorann agus na naisc atá in easnamh lena áirithiú, i gcás inarb infheidhme, go bhfuil na gníomhaíochtaí a fhaigheann tacaíocht comhsheasmhach le plananna oibre na gconairí a bhunaítear de bhun Airteagal 47 de Rialachán (AE) Uimh. 1315/2013 agus le forbairt iomlán na ngréasán maidir le feidhmíocht agus idir-inoibritheacht de.
- (8a) Go sonrach, chun imscaradh iomlán ERTMS ar an gcroíghréasán faoi 2030 mar a fhoráiltear le Rialachán (AE) Uimh. 1315/2013 ní mór cur leis an tacaíocht ar leibhéal an Aontais Eorpaigh agus rannpháirtíocht infheisteoirí príobháideacha a dhreasú.

⁵ Rialachán (AE) Uimh. 1315/2013 ó Pharlaimint na hEorpa agus ón gComhairle an 11 Nollaig 2013 maidir le treoirilínte Aontais chun an gréasán tras-Eorpach iompair a fhorbairt agus lena n-aisghairtear Cinneadh Uimh. 661/2010/AE (IO L 348, 20.12.2013, lch. 1).

- (8b) Chun go dtabharfaí croíghréasán TEN-T chun críche go rathúil agus chun idirmhódúlacht éifeachtach a áirithiú, ní mór féachaint chuige go mbeadh na haerfoirt nasctha leis an ngréasán TEN-T. Dá bhrí sin, mar phríomhthosaíocht, ní mór na haerfoirt a nascadh le croíghréasán TEN-T, i gcás ina bhfuil an nasc sin ar iarraidh.
- (8c) Tá gá le leibhéal ard comhtháthaithe sa phleanáil agus sa chur chun feidhme chun gníomhaíochtaí trasteorann a chur chun feidhme. Gan tús áite a thabhairt d'aon cheann de na samplaí seo a leanas, d'fhéadfaí an comhtháthú sin a léiriú trí chuideachta tionscadail aonair a bhunú, struchtúr rialachais chomhpháirtigh, creat dlíthiúil déthaobhach, gníomh cur chun feidhme de bhun Airteagal 47 de Rialachán (AE) Uimh. 1315/2013, nó aon fhoirm eile chomhair.
- (9) D'fhonn na sreafaí iompair atá ag dul i méid agus an t-athrú atá ag teacht ar an ngréasán a léiriú, ba cheart cúrsa chonairí an chroíghréasáin agus na gcodanna réamhshainithe a oiriúnú. Ba cheart do na hoiriúnuithe sin a bheith comhréireach chun comhsheasmhacht agus éifeachtúlacht fhorbairt agus chomhordú na gconairí a chaomhnú. Ar an gcúis sin, níor cheart ach méadú 15 %, ar a mhéid, a chur le fad chonairí an chroíghréasáin. In am trátha, ba cheart go gcuirfeadh ailíniú chonairí an chroíghréasáin torthaí an athbhreithnithe ar chur chun feidhme an chroíghréasáin dá bhforáiltear in Airteagal 54 de Rialachán (AE) Uimh. 1315/2013 san áireamh.
- (10) Is gá infheistíochtaí ar mhaithe le soghluaisteacht chliste, inbhuanaithe, chuimsitheach, shábháilte agus shlán ar fud an Aontais a spreagadh. In 2017, thíolaic an Coimisiún an pacáiste⁶ "An Eoraip ag gluaiseacht", foireann leathan tionscnamh lena ndéanfar an trácht ar bhóithre níos sábháilte, muirearú cliste a chur chun cinn ar bhóithre, astaíochtaí CO₂, truailliú aeir agus brú tráchta a laghdú, soghluaisteacht nasctha agus uathoibrithe a chur chun cinn agus dálaí oibre cuí agus uaireanta scíthe cuí a áirithiú d'oibrithe. Ba cheart tacaíocht airgeadais ón Aontas, i gcás inarb ábhartha, a chur ar fáil tríd an gClár seo do na tionscnaimh sin.

⁶ Sa Teachtaireacht uaidh dar teideal "*Europe on the Move: An agenda for a socially fair transition towards clean, competitive and connected mobility for all*" [An Eoraip ag Gluaiseacht: clár oibre le haghaidh ascnamh atá cothrom go sóisialta i dtreo na soghluaisteachta glaine iomaíche nasctha do chách] – COM(2017) 283

- (11) Is é a cheanglaítear le treoirlínte TEN-T, i gcás teicneolaíochtaí nua agus na nuálaíochta, go bhfágfaidh TEN-T go bhféadfar na córacha iompair uile a dhícharbónú tríd an éifeachtúlacht fuinnimh a chur chun cinn agus breoslaí malartacha a úsáid. Le Treoir 2014/94/AE ó Pharlaimint na hEorpa agus ón gComhairle⁷, bunaítear creat coiteann de bhearta chun bonneagar breoslaí malartacha a imlonnú san Aontas d'fhonn an spleáchas ar ola a íoslaghdú agus an tionchar a bhíonn ag an iompar ar an gcomhshaol a mhaolú agus cuirtear ceangal ar na Ballstáit a áirithiú go ndéanfar pointí athluchtaithe nó athbhreoslaithe a bheidh inrochtana ag an bpobal a chur ar fáil faoin 31 Nollaig 2025. Mar a tugadh le fios i dtograí na Samhna 2017 ón gCoimisiún⁸, is gá foireann chuimsitheach beart chun an tsoghluaisteacht íseal-astaíochtaí a chur chun cinn, lena n-áirítear tacaíocht airgeadais sna cásanna sin nach leor an dreasacht a thugann dálaí an mhargaidh.
- (12) I gcomhthéacs na Teachtaireachta ón gCoimisiún dar teideal "*Sustainable Mobility for Europe: safe, connected, and clean*"⁹ [Soghluaisteacht inbhuanaithe don Eoraip: nasctha, sábháilte, glan], chuir an Coimisiún chun suntais go bhfágfaidh feithiclí uathoibrithe agus córais ardnascachta go mbeidh feithiclí níos sábháilte, níos éasca a roinnt agus níos inrochtana don saoránach, lena n-áirítear na saoránaigh sin nach bhfuil seirbhísí iompair le fáil go héasca acu faoi láthair, amhail daoine scothaosta agus daoine faoi mhíchumas. Sa chomhthéacs sin, mhol an gCoimisiún "Plean Gníomhaíochta Straitéiseach maidir leis an tSábháilteacht ar Bhóithre" agus athbhreithniú a dhéanamh ar Threoir 2008/096 maidir le bainistiú a dhéanamh ar shábháilteacht an bhonneagair bóithre.

⁷ Treoir 2014/94/AE ó Pharlaimint na hEorpa agus ón gComhairle an 22 Deireadh Fómhair 2014 maidir le bonneagar breoslaí malartacha a úsáid (IO L 307, 28.10.2014, lch. 1).

⁸ Teachtaireacht ón gCoimisiún "*Delivering on low-emission mobility: A European Union that protects the planet, empowers its consumers and defends its industry and workers*" [Soghluaisteacht Íseal-Astaíochtaí a bhaint amach – Aontas Eorpach a chaomhnaíonn an pláinéad, a thugann cumhacht don tomhaltóir agus cosaint do thionscail agus d'oibrithe] - COM(2017) 675

⁹ COM(2018) 293

- (13) [D'fhoill críochnú na dtionscadail iompair a fheabhsú i gcodanna den ghréasán nach bhfuil chomh forbartha sin, ba cheart leithdháileadh ón gCiste Comhtháthaithe a aistriú chuig an gClár chun tionscadail iompair atá incháilithe chun maoiniú a fháil ón gCiste Comhtháthaithe a mhaoiniú sna Ballstáit. I gcéim thosaigh agus faoi réir 70 %, ar a mhéid, den imchlúdach aistrithe, ba cheart na leithdháiltí náisiúnta faoin gCiste Comhtháthaithe a urramú agus tionscadail atá incháilithe don mhaoiniú a roghnú. Ba cheart an 30 % den imchlúdach aistrithe a leithdháileadh ar bhonn iomaíoch ar thionscadail sna Ballstáit ar tionscadail iad atá incháilithe chun maoiniú a fháil ón gCiste Comhtháthaithe agus tabharfar tosaíocht do naisc thrasteorann agus do naisc atá in easnamh. Ba cheart don Choimisiún cuidiú le Ballstáit atá incháilithe chun maoiniú a fháil ón gCiste Comhtháthaithe líon iomchuí tionscadal a bheith acu ar na bacáin, go háirithe trí acmhainneacht institiúideach na riarachán poiblí lena mbaineann a neartú.]
- (14) Tar éis Theachtaireacht Chomhpháirteach na Samhna 2017 maidir leis an tsoghluaisteacht mhíleata a fheabhsú san Aontas Eorpach¹⁰, cuireadh béim air sa Phlean Gníomhaíochta maidir leis an tSoghluaisteacht Mhíleata a ghlac an Coimisiún agus Ardionadaí an Aontais do Ghnóthaí Eachtracha agus don Bheartas Slándála¹¹ go dtugann an beartas maidir le bonneagar iompair deis mhaith cur leis na sineirgíochtaí idir riachtanais ó thaobh na cosanta de agus TEN-T. Tugtar le fios sa Phlean Gníomhaíochta go dtabharfar cuireadh don Chomhairle, faoi lár 2018, na riachtanais mhíleata maidir le bonneagar iompair a mheas agus a dheimhniú agus go ndéanfaidh seirbhísí an Choimisiúin na codanna sin den ghréasán tras-Eorpach iompair atá feiliúnach d'iompar míleata, lena n-áirítear aon uasghrádú is gá ar an mbonneagar atá ann faoi láthair, a shainaithint faoi 2019. Ba cheart an cistiú ón Aontas le haghaidh chur chun feidhme tionscadal dé-úsáide a chur chun feidhme leis an gClár ar bhonn cláir oibre shonracha ina sonraítear na ceanglais is infheidhme mar a shainítear i gcomhthéacs an Phlean Gníomhaíochta.

¹⁰ JOIN(2017) 41

¹¹ JOIN(2018) 5

- (15) Aithnítear san treoirilínte TEN-T go n-áiríthíonn an gréasán cuimsitheach inrochtaineacht agus nascacht idir réigiúin uile an Aontais, lena n-áirítear na réigiúin iargúlta, na hoileáin agus na réigiúin is forimeallaí. Anuas air sin, sa Teachtaireacht ón gCoimisiún dar teideal *"A stronger and renewed strategic partnership with the EU's outermost regions"*¹² [Comhpháirtíocht straitéiseach neartaithe athnuaite leis na réigiúin is forimeallaí san Aontas], chuir an Coimisiún chun suntais na riachtanais iompair shonracha atá ag na réigiúin is forimeallaí agus an gá cistiú ón Aontas a chur ar fáil atá inchurtha leis na riachtanais sin, lena n-áirítear na cistí a thugtar leis an gClár.
- (16) I bhfianaise na n-infheistíochtaí móra a theastaíonn chun dul chun cinn a dhéanamh maidir le croíghréasán TEN-T a chríochnú faoi 2030 (meastachán EUR 350 billiún sa tréimhse 2021-2027), maidir le gréasán cuimsitheach TEN-T a chríochnú faoi 2050 agus maidir le hinfeistíochtaí sa dícharbónú, sa digitiú agus san iompar uirbeach (meastachán EUR 700 billiún sa tréimhse 2021-2027), is iomchuí an úsáid is éifeachtúla agus is féidir a bhaint as na cláir agus na hionstraimí éagsúla maoinithe atá ag an Aontas agus, ar an gcaoi sin, cur leis an mbreisluach a bhaineann le hinfeistíochtaí a fhaigheann tacaíocht ón Aontas. D'áirítheofaí an éifeachtúlacht sin le próiseas infheistíochta cuíchóirithe a d'fhágfadh go mbeadh léargas ar na tionscadail sin atá ar na bacáin i réimse an iompair agus go mbeadh leanúnachas ann idir na cláir ábhartha uile atá ag an Aontas, go háirithe an tSaoráid um Chónascadh na hEorpa, Ciste Forbraíochta Réigiúnaí na hEorpa (CFRE), an Ciste Comhtháthaithe agus clár InvestEU. Ba cheart a chur san áireamh, go háirithe, na coinníollacha cumasúcháin a mhionsonraítear in Iarscríbhinn IV de Rialachán (AE) XXX [Rialachán ó Pharlaimint na hEorpa agus ón gComhairle lena leagtar síos forálacha coiteanna maidir le Ciste Forbraíochta Réigiúnaí na hEorpa, Ciste Sóisialta na hEorpa Plus, an Ciste Comhtháthaithe agus an Ciste Eorpach Muirí agus Iascaigh agus rialacha airgeadais maidir leis na cistí sin agus maidir leis an gCiste Tearmainn agus Imirce, an Ciste Slándála Inmheánaí agus an Ionstraim Bainistithe Teorainneacha agus um Víosáí ("Rialachán na bhForálacha Coiteanna")].

¹² COM (2017)623

- (17) Le Rialachán (AE) Uimh. 347/2013 ó Pharlaimint na hEorpa agus ón gComhairle¹³ déantar na tosaíochtaí tras-Eorpacha i ndáil le bonneagar fuinnimh a shainaithint ar cheart iad a chur chun feidhme chun cuspóirí bheartas fuinnimh agus aeráide an Aontais a ghnóthú, tionscadail leasa choitinn a bhfuil gá leo do chur chun feidhme na dtosaíochtaí sin a shainaithint, agus bearta a leagan síos maidir le ceadanna a dheonú, maidir leis an rannpháirtíocht phoiblí agus maidir le rialáil chun cur chun feidhme na dtionscadal sin a luathú agus/nó a éascú, lena n-áirítear critéir maidir le hincháilitheacht na dtionscadal sin do chúnamh airgeadais ón Aontas.
- (18) Sa Treoir [Treoir athmhúnlaithe maidir le Fuinneamh Inathnuaite] cuirtear béim ar an ngá le creat cumasúcháin a bhunú le húsáid níos fearr a bhaint as cistí an Aontais, agus déantar tagairt shainráite do bhearta cumasúcháin a thacóidh le comhar trasteorann i réimse an fhuinnimh in-athnuaite.
- (19) Cé gurb é críochnú bhonneagar an ghréasáin an tosaíocht chun gur féidir foinsí fuinnimh in-athnuaite a fhorbairt, is léargas é comhtháthú an chomhair trasteorann sa réimse seo ar an gcur chuige a glacadh faoin tionscnamh "Fuinneamh Glan do mhuintir na hEorpa ar fad", is é sin an fhreagracht choiteann maidir leis an sprioc uaillmhianach i leith an fhuinnimh in-athnuaite a bhaint amach in 2030 agus an t-athrú ar chomhthéacs an bheartais ina bhfuil cuspóirí uaillmhianacha fadtéarmacha maidir leis an dícharbónú anois.

¹³ Rialachán (AE) Uimh. 347/2013 ó Pharlaimint na hEorpa agus ón gComhairle an 17 Aibreán 2013 maidir le treoirlínte le haghaidh bonneagair thras-Eorpaigh fuinnimh agus lena n-aisghairtear Cinneadh Uimh. 1364/2006/CE agus lena leasaítear Rialachán (CE) Uimh. 713/2009, Rialachán (CE) Uimh. 714/2009 agus Rialachán (CE) Uimh. 715/2009 (IO L 115, 25.4.2013, lch. 39).

- (20) I bhfianaise chlár oibre an Aontais maidir leis an dícharbónú, tá géarghá le teicneolaíochtaí nuálacha i réimse an bhonneagair a chabhróidh leis an aistriú go córais fuinnimh agus soghluaisteachta ísealcharbóin agus le slándáil an tsoláthair a fheabhsú. Sa Teachtaireacht ón gCoimisiún an 23 Samhain 2017 dar teideal "*Communication on strengthening Europe's energy networks*" [Teachttaireacht maidir le gréasáin fuinnimh na hEorpa a neartú]¹⁴, chuir an Coimisiún béim, go háirithe, ar ról an leictreachais, i gcás inar fuinneamh in-athnuaite a bheidh i leath den leictreachas a ghinfear faoi 2030, rud a bhrúfaidh chun cinn dícharbónú na n-earnálacha ar breoslaí iontaise is mó atá in úsáid iontu faoi láthair, amhail an t-iompar, an tionsclaíocht agus téamh agus fuarú agus gur ar thionscadail maidir le hidirnáise leictreachais, stóráil leictreachais agus greillí cliste is mó atá an bhéim sa bheartas maidir leis an mbonneagar tras-Eorpach fuinnimh. Chun tacú le cuspóirí an Aontais maidir le dícharbónú, ba cheart aird chuí agus tosaíocht a thabhairt do theicneolaíochtaí agus do thionscadail a chuireann leis an aistriú go geilleagar ísealcharbóin. Díreoidh an Coimisiún ar líon na dtionsadal trasteorann a ardú maidir le greillí cliste, stóráil nuálach agus iompar dé-ocsaíde carbóin a mbeidh tacaíocht ar fáil dóibh faoin gClár.
- (20a) Déanfar le tionscadail trasteorann i réimse an fhuinnimh in-athnuaite imlonnú costéifeachtach le haghaidh fuinneamh in-athnuaite san Aontas a chumasú, sprioc cheangailteach an Aontais 32 % ar a laghad d'fhuinneamh in-athnuaite a bhaint amach in 2030, dá dtagraítear in Airteagal 3 de [athmhúnlú ar Treoir 2009/28/CE mar a bheartaítear le COM (2016) 767] agus cuideofar le foinsí in-athnuaite fuinnimh nuálacha agus teicneolaíochtaí a ghlacadh go straitéiseach. Áirítear ar na samplaí léiritheacha do theicneolaíochtaí incháilithe foinsí in-athnuaite fuinnimh a ghiniúint ó fhuinneamh gaoithe ar agus amach ón gcósta, grianfhuinneamh, bithmhais inbhuanaithe, fuinneamh aigéin, fuinneamh geoiteirmeach nó meascán díobh; a bpointe ceangailte agus eilimintí breise amhail saoráidí stórála nó saoráidí malartaithe. Níl gníomhaíocht incháilithe teoranta d'earnáil an leictreachais agus d'fhéadfadh sí iompróirí eile a chumhdach chomh maith le cúpláil earnála ionchasach mar shampla le téamh agus fuarú, cumhacht do ghas, stóráil agus iompar. Tá an liostú sin neamh-uileghabhálach d'fhonn solúbthacht a choimeád i dtaca le dul chun cinn i gcúrsaí teicneolaíochta agus le forbairtí. Ní gá go ndéanfaí nasc fisiceach leis na tionscadail sin idir na Ballstáit chomhoibritheacha. Is féidir na tionscadail a lonnú ar chríoch Bhallstát amháin atá rannpháirteach ar choinníoll go bhfuil feidhm ag critéir ghinearálta Iarscríbhinn, Cuid IV.

¹⁴ COM(2017) 718

- (20b) Ba cheart aird ar leith a thabhairt sa tacaíocht ón Aontas ar idirnaisc fuinnimh trasteorann, lena n-áirítear iad siúd atá riachtanach chun na spriocanna maidir le hidirnaisc leictreachais a bhaint amach, go háirithe an sprioc idirnaisc de 10 % do 2020 a bhunaigh Comhairle na hEorpa. Tá imlonnú idirnascairí leictreachais ríthábhachtach chun margaí a chomhtháthú, lenar féidir le tuilleadh foinsí in-athnuaite fuinnimh a bheith sa chóras agus lena mbaintear leas as a bpunann éagsúil soláthair éilimh agus in-athnuaite, as a ngréasáin ghaoithe agus greillí cliste amach ón gcósta, lena gcomhtháthaítear gach tír i margaí fuinnimh leachtaigh agus iomaíocha.
- (21) Braithfidh cur i gcrích an mhargaidh aonair dhigitigh ar an mbonneagar nascachta digití bunaidh. Tá digitiú na tionsclaíochta Eorpaí agus nuachóiriú earnálacha ar nós earnálacha an iompair, an fhuinnimh, an chúraim sláinte agus an riaracháin phoiblí ag brath ar rochtain uilíoch ar gréasáin ardtoillte agus an-ardtoillte inacmhainne agus iontaofa. Tá an nascacht dhigiteach ar cheann de na tosca cinntitheacha maidir le bearnaí eacnamaíocha, sóisialta agus críochacha a dhúnadh, trí thacú le nuachóiriú geilleagar áitiúil agus bonn daingean a chur faoi éagsúlú gníomhaíochtaí eacnamaíocha. Ba cheart raon feidhme an Chláir i réimse an bhonneagair nascachta digití a oiriúnú chun tábhacht mhéadaitheach an réimse sin don gheilleagar agus don tsochaí i gcoitinne a léiriú. Is gá, dá bhrí sin, na tionscadail leasa choitinn maidir leis an mbonneagar nascachta digití a theastóidh chun cuspóirí an Aontais maidir leis an margadh aonair digiteach a ghnóthú a leagan amach, agus is gá Rialachán (AE) Uimh. 283/2014 ó Pharlaimint na hEorpa agus ón gComhairle a aisghairm¹⁵

¹⁵ Rialachán (AE) Uimh. 283/2014 ó Pharlaimint na hEorpa agus ón gComhairle an 11 Márta 2014 maidir le treoirlínte le haghaidh gréasán tras-Eorpach i réimse an bhonneagair teileachumarsáide agus lena n-aisghairtear Cinneadh Uimh. 1336/97/CE (IO L 86, 21.3.2014, lch. 14).

- (22) Sa Teachtaireacht dar teideal "*Connectivity for a Competitive Digital Single Market - Towards a European Gigabit Society*" [Nascacht le haghaidh Margadh Aonair Digiteach Iomaíoch – I dtreo Sochaí Ghigighiotáin Eorpach]¹⁶ (an Straitéis maidir le Sochaí Ghigighiotáin) leagtar amach na cuspóirí straitéiseacha le haghaidh 2025, d'fhonn an infheistíocht sa bhonneagar nascachta digití a bharrfheabhsú. Tá Treoir (AE) 2018/XXX ó Pharlaimint na hEorpa agus ón gComhairle¹⁷ [an Cód Eorpach don Chumarsáid Leictreonach] dírithe, *inter alia*, ar thimpeallacht rialála a chruthú a dhreasaíonn infheistíochtaí príobháideacha i ngréasáin nascachta digití. Tá sé soiléir, mar sin féin, nach mbeidh imlonnú gréasán inmharthana ó thaobh na tráchtála de in a lán ceantar ar fud an Aontais, de bharr tosa éagsúla ar nós iargúlacht agus saintréithe críochacha nó geografacha, dlús íseal daonra agus tosa éagsúla socheacnamaíocha. Ba cheart an Clár a oiriúnú, dá bhrí sin, le go gcuirfidh sé le gnóthú na gcuspóirí straitéiseacha sin a leagtar amach sa Straitéis maidir le Sochaí Ghigighiotáin, rud a chomhlánóidh an tacaíocht a thugtar i gclár eile maidir le gréasáin an-ardtoillte a imlonnú, go háirithe Ciste Forbraíochta Réigiúnaí na hEorpa (CFRE), an Ciste Comhtháthaithe agus an ciste InvestEU.
- (23) Cé gur gréasáin thras-Eorpacha, go bunúsach, na gréasáin nascachta digití uile atá nasctha leis an Idirlíon, de bharr, go príomha, fheidhmiú na bhfeidhmchlár agus na seirbhísí a ndéanann na gréasáin sin iad a chumasú, ba cheart tosaíocht tríd an gClár a thabhairt do bhearta a bhfuil súil go mbeidh an tionchar is mó acu ar an Margadh Aonair Digiteach, *inter alia* trí iad a chur ag luí le cuspóirí na Teachtaireachta um Straitéis maidir le Sochaí Ghigighiotáin, agus ar chlaochlú digiteach an gheilleagair agus na sochaí, ag féachaint do theipeanna margaidh agus do chur chun feidhme na mbacainní a tugadh faoi deara.

¹⁶ COM(2016) 587

¹⁷ Treoir (AE) 2018/XXX ó Pharlaimint na hEorpa agus ón gComhairle lena mbunaítear an Cód um Chumarsáid Leictreonach Eorpach (IO L, ..., lch.).

- (24) Is eintitis agus ionaid ar féidir tionchar mór a bheith acu ar fhorbairtí socheacnamaíocha sa cheantar ina bhfuil siad lonnaithe iad scoileanna, ollscoileanna, leabharlanna, údaráis réigiúnacha nó náisiúnta, príomhsholáthraithe seirbhísí poiblí, ospidéal agus ionaid leighis, moil iompair agus fiontair dhlúthdhigiteacha. Ní mór do na gníomhaithe socheacnamaíocha sin a bheith ceannródaíoch i réimse na nascachta gigighiotáin d'fhonn rochtain ar na seirbhísí agus na feidhmchláir is fearr is féidir a thabhairt do shaoránaigh, do ghnólachtaí agus do phobail áitiúla na hEorpa. Ba cheart don Chlár tacú leis an rochtain atá ag na gníomhaithe socheacnamaíocha sin ar an nascacht ghigighiotáin d'fhonn na héifeachtaí dearfacha a bheidh acu ar an ngeilleagar agus ar an tsochaí i gcoitinne a uasmhéadú, lena n-áirítear trí éileamh níos leithne ar nascacht agus ar sheirbhísí a spreagadh.
- (24a) Na críocha éanasctha atá i limistéir uile an Aontais, is scrogaill tráchta agus acmhainneacht neamhshaothraithe ag an Margadh Aonair Digiteach iad. I bhformhór na limistéar tuaithe agus iargúlta, is féidir leis an nascacht idirlín ar ardcháilíocht a bheith an-tábhachtach le nach dtarlódh bearna dhigiteach, leithlisiú agus bánú na tuaithe trí chostais seachadta earraí agus seirbhísí a laghdú agus trí chúiteamh páirteach a thabhairt i leith iargúlta. Tá gá le nascacht idirlín ar ardcháilíocht le haghaidh deiseanna nua eacnamaíocha amhail an fheirmeoireacht bheacht nó forbairt bithgheilleagair i gceantair thuaithe. Ba cheart don Chlár cabhrú le nascacht ardtoillte fhosaithe nó gan sreang a chur ar fáil do theaghlaigh uile na hEorpa, faoin tuath agus i gceantair uirbeacha, agus díriú ar na cásanna imlonnaithe sin a bhfuil méid áirithe teipeanna margaidh le brath iontu agus ar féidir aghaidh a thabhairt orthu trí dheontais ísealdéine a úsáid. D'fhonn sineirgíochtaí a uasmhéadú idir na gníomhaíochtaí a fhaigheann tacaíocht ón gClár, ba cheart aird chuí a thabhairt an dlús atá le gníomhaithe socheacnamaíocha i limistéar ar leith agus ar an leibhéal cistiúcháin a bhfuil gá leis chun cumhdach a ghiniúint. Thairis sin, ba cheart don Chlár díriú ar chuimsiú cuimsitheach a bhaint amach do theaghlaigh agus do chríocha, ós rud é go bhfuil sé neamhbhrabúsach díriú, ag céim níos déanaí, ar bhearnaí i limistéar atá cuimsithe cheana.
- (25) Lena chois sin, mar bharr ar an tionscnamh WiFi4EU, ba cheart don Chlár tacú le nascacht áitiúil idirlín gan sreang ar ardcháilíocht agus saor in aisce a chur ar fáil i lárionaid an tsaoil phoiblí áitiúil, lena n-áirítear eintitis a bhfuil misean seirbhíse poiblí acu, amhail údaráis phoiblí agus soláthraithe seirbhísí poiblí agus ionaid amuigh faoin aer a bhfuil rochtain ag an bpobal i gcoitinne orthu, d'fhonn fis dhigiteach an Aontais a chur chun cinn i bpobail áitiúla.

- (26) Maidir le hinmharthanacht na chéad ghlúine eile de sheirbhísí digiteacha, amhail seirbhísí agus feidhmchláir Idirlíon na Rudaí Nithiúla a bhfuil súil go gcruthóidh siad sochair mhóra in earnálacha éagsúla agus sa tsochaí ina hiomláine, beidh gá le cuimsiú chórais 5G trasteorann gan bhriseadh, go háirithe le go bhféadfaidh úsáideoirí agus oibiachtaí bheith nasctha fiú agus iad ag bogadh ó áit go háit. Níl na cásanna roinnte costais maidir le himlonnú 5G idir na hearnálacha sin soiléir go fóill, áfach, agus tá sé tuartha go mbeidh rioscaí an-ard i gceist le himlonnú tráchtála i roinnt réimsí tábhachtacha. Tá súil go mbeidh conairí bóthair agus naisc iarnróid ríthábhachtach sa chéad chéim d'iarraitais nua i réimse na soghluaisteachta nasctha agus is tionscadail trasteorann ríthábhachtacha a bheidh iontu, dá bhrí sin, maidir le cistiú a fháil faoin gClár.
- (27) [...]
- (28) Is gá líonraí cumarsáide leictreonaí cnámh droma a imlonnú, lena n-áirítear cáblaí faoi uisce a nascann críocha Eorpacha le tríú tíortha ar ilchríocha eile, nó a nascann oileáin Eorpacha, na réigiún is forimeallaí nó tíortha agus críocha thar lear, lena n-áirítear trí uiscí críochacha an Aontais agus agus limistéar eacnamaíoch eisiach na mBallstát, agus d'fhonn an iomarcaíocht a theastaíonn a chur ar fáil don bhonneagar ríthábhachtach sin, agus chun cur le toilleadh agus le hathléimneacht líonraí digiteacha an Aontais, ag cur freisin le comhtháthú críochach. Is minic nach mbíonn tionscadail den sórt sin inmharthana ó thaobh na tráchtála de gan tacaíocht phoiblí. Ina theannta sin, ba cheart go mbeadh tacaíocht ar fáil chun acmhainní ríomhaireachta ardfheidhmíochta Eorpacha a chomhlánú le naisc leoracmhainneachta teirighiotáin.

- (29) Sna gníomhaíochtaí sin a chuireann le tionscadail leasa choitinn i réimse an bhonneagair nascachta digití, úsáidfear an teicneolaíocht is oiriúnaí don tionscadal sonrach agus molfar an chothromaíocht is fearr idir teicneolaíochtaí úrscothacha ó thaobh acmhainn sreafa sonraí, slándáil tarchuir, athléimneacht líonraí agus éifeachtúlacht costais de, agus ba cheart iad a chur in ord tosaíochta de réir cláir oibre ina gcuirtear san áireamh na critéir a leagtar amach sa Rialachán seo. Féadfar bonneagar éighníomhach a áireamh in imlonnú líonraí an-ardtoillte d'fhonn na sochair shocheacnamaíocha agus na sochair chomhshaoil a uasmhéadú. Ar deireadh, agus tosaíocht á tabhairt do bhearta, cuirfear san áireamh na héifeachtaí dearfacha a d'fhéadfadh a bheith acu maidir le nascacht, mar shampla i gcás ina bhféadfadh tionscadal imlonnaithe feabhas a chur ar an gcás gnó maidir le himlonnú eile amach anseo, rud a chuirfeadh leis an gcuimsiú a dhéantar ar chríocha agus ar phobail i limistéir nár cuimsíodh go dtí seo.
- (30) Rinne an tAontas a theicneolaíocht satailíte suite, loingseoireachta agus uainiúcháin (PNT) féin (EGNOS/Galileo) agus a chóras féin um breathnóireacht an Domhain (Copernicus) a fhorbairt. Cuireann EGNOS/Galileo agus Copernicus ardseirbhísí ar fáil a thugann sochair thábhachtacha eacnamaíocha d'úsáideoirí poiblí agus príobháideacha. Aon bhonneagar iompair, fuinnimh nó digiteach a fhaigheann cistiú ón gClár agus a úsáideann PNT nó seirbhísí breathnóireachta an Domhain, ba cheart iad a bheith comhoiriúnach go teicniúil do EGNOS/Galileo agus Copernicus.
- (31) Na torthaí dearfacha a bhí ar an gcéad ghlaó measctha ar thograí a seoladh faoin gclár reatha in 2017, dhearbhaigh siad an ábharthacht agus an breisluach a bhaineann le deontais an Aontais a úsáid le meascadh le maoiniú ón mBanc Eorpach Infheistíochta nó ó bhainc náisiúnta le haghaidh spreagtha nó ó institiúidí airgeadais forbartha agus poiblí eile agus ó institiúidí airgeadais san earnáil phríobháideach agus ó infheisteoirí san earnáil phríobháideach, lena n-áirítear Comhpháirtíochtaí Príobháideacha Poiblí. Ba cheart don Chlár leanúint, dá bhrí sin, den soláthar a dhéantar maidir le Glaonna ar leith a fhágann gur féidir deontais an Aontais a chomhcheangal le foinsí eile maoinithe.

- (32) Ina theannta sin, déanfar cuspóirí beartais an Chláir a shaothrú le hionstraimí airgeadais agus le ráthaíocht bhuiséadach faoi ghné nó faoi ghnéithe beartais [...] an Chiste InvestEU. Ba cheart gníomhaíochtaí an Chláir a úsáid chun dul i ngleic le teipeanna margaidh nó le cásanna infheistíochta fo-optamacha, go háirithe i gcás nach mbeadh na gníomhaíocht inmharthana ó thaobh na tráchtála de, ar bhealach comhréireach, gan maoiniú príobháideach a dhúbláil ná a phlódú agus ba cheart breisluach Eorpach soiléir a bheith acu.
- (33) D'fhonn cabhrú le forbairt chomhtháite an timthrialla nuálaíochta, is gá comhlántacht a áirithiú idir na réitigh nuálacha a forbraíodh i gcomhthéacs chláir réime an Aontais um Thaighde agus um Nuálaíocht agus na réiteach nuálach a imlonnaíodh le tacaíocht ón tSaoráid um Chónascadh na hEorpa. Chun na críche sin, áiritheoidh na sineirgíochtaí leis an gclár Fís Eorpach: (a) go ndéanfar na riachtanais taighde agus nuálaíochta i réimse an iompair, i réimse an fhuinnimh agus in earnáil na seirbhísí digiteacha san Aontas Eorpach a shainaithint agus a shuíomh le linn phróiseas pleanála straitéisí an chlár Fís Eorpach; (b) go dtacaíonn an tSaoráid um Chónascadh na hEorpa le soláthar céimneach agus imlonnú ar mhórsála na dteicneolaíochtaí nuálacha agus na réiteach nuálach i réimse an iompair, i réimse an fhuinnimh agus sa bhonneagar digiteach, go háirithe iad sin a thagann as an gclár Fís Eorpach; (c) go ndéanfar malartú faisnéise agus sonraí idir an clár Fís Eorpach agus an tSaoráid um Chónascadh na hEorpa a éascú, go háirithe trí bhéim a leagan ar theicneolaíochtaí ón gclár Fís Eorpach a bhfuil leibhéal ard ullmhachta don mhargadh ag baint leo a d'fhéadfaí a imlonnú tuilleadh tríd an tSaoráid um Chónascadh na hEorpa.
- (34) Leagtar síos leis an Rialachán seo imchlúdach airgeadais don tréimhse iomlán 2021-2027 arb éard a bheidh ann an príomh-mhéid tagartha, de réir bhrí [tagairt le nuashonrú de réir mar is iomchuí de réir an chomhaontaithe nua idirinstiúidigh: pointe 17 de Chomhaontú Idirinstiúideach an 2 Nollaig 2013 idir Parlaimint na hEorpa, an Chomhairle agus an Coimisiún maidir leis an smacht buiséadach, le comhar in ábhair bhuiséadacha agus le bainistíocht fhóna airgeadais¹⁸, do Pharlaimint na hEorpa agus don Chomhairle le linn an nós imeachta bhuiséadaigh bhliantúil].

¹⁸ IO C 373, 20.12.2013, lch. 1

- (35) Ar leibhéal an Aontais, is é an Seimeastar Eorpach um chomhordú an bheartais eacnamaíoch an creat lena sainaithnítear tosaíochtaí athchóiriúcháin náisiúnta agus lena ndéantar faireachán ar a gcur chun feidhme. Ceapann na Ballstáit a gcuid straitéisí infheistíochta ilbhiantúla náisiúnta féin sa dóigh is go dtacaíonn siad le cur chun feidhme na dtosaíochtaí athchóiriúcháin sin. Ba cheart na straitéisí sin a chur i láthair in éineacht leis na Cláir Náisiúnta bhiantúla um Athchóiriú chun achoimriú agus comhordú a dhéanamh ar thionscadail infheistíochta tosaíochta atá le tacaíocht a fháil ó chistiú náisiúnta agus/nó ón Aontas. Ba cheart leas a bhaint astu freisin chun cistiú ón Aontas a úsáid ar dhóigh chomhleanúnach agus chun a oiread tairbhe agus is féidir a bhaint as breisluach na tacaíochta airgeadais atá le fáil, go háirithe ó Chiste Forbraíochta Réigiúnaí na hEorpa (CFRE) agus ón gCiste Comhtháthaithe, ón Sásra Eorpach um Chobhsú Infheistíochtaí, ón gCiste InvestEU agus ón tSaoráid um Chónascadh na hEorpa, i gcás inarb ábhartha. Ba cheart, i gcás inarb ábhartha, tacaíocht airgeadais a úsáid ar shlí atá comhsheasmhach le pleananna aeráide agus fuinnimh na mBallstát agus an Aontais.
- (36) Tá feidhm maidir leis an Rialachán seo ag rialacha cothrománacha airgeadais arna nglacadh ag Parlaimint na hEorpa agus ag an gComhairle ar bhonn Airteagal 322 den Chonradh ar Fheidhmiú an Aontais Eorpaigh. Leagtar síos na rialacha sin sa Rialachán Airgeadais agus cinntear leo, go háirithe, an nós imeachta maidir leis an mbuiséad a bhunú agus a chur chun feidhme le deontais, soláthar, duaiseanna agus cur chun feidhme indéireach agus déantar foráil leo maidir le seiceálacha i dtaobh freagracht gníomhaithe airgeadais. [Na rialacha a ghlactar ar bhonn Airteagal 322 CFAE, baineann siad freisin le cosaint bhuiséad an Aontais i gcás easnaimh ghinearálaithe i ndáil leis an smacht reachta sna Ballstáit, ós rud é gur réamhchoinníoll riachtanach é urramú an smachta reachta i dtaca le bainistíocht fhónta airgeadais agus cistiú éifeachtach ón Aontas.]
- (37) Na cineálacha maoinithe agus na modhanna cur chun feidhme a úsáidfear faoin Rialachán seo, is ar bhonn a fhónta atá siad ó thaobh cuspóirí saineúla na ngníomhaíochtaí a bhaint amach agus torthaí a thabhairt, ba cheart iad a roghnú, agus aird á tabhairt, go háirithe, ar na costais a bhaineann le rialuithe, ar an ualach riaracháin, agus ar an riosca neamh-chomhlíontachta a mheastar a bheith ann. Ba cheart cuimhneamh ar úsáid a bhaint as cnapshuimeanna, as rátaí comhréidhe agus as costais aonaid, agus as maoiniú nach mbaineann le costais dá dtagraítear in Airteagal 125(1) den Rialachán Airgeadais.

- [(38) Féadfaidh tríú tíortha ar comhaltaí iad den Limistéar Eorpach Eacnamaíoch (LEE) a bheith rannpháirteach i gclár de chuid an Aontais faoi chuimsiú an chomhair arna bhunú faoin gcomhaontú LEE, ina ndéantar foráil maidir le cur chun feidhme na gclár trí chinneadh faoin gcomhaontú sin. Féadfaidh tríú tíortha a bheith rannpháirteach ar bhonn ionstraimí dlí eile freisin. Ba cheart foráil shonrach a thabhairt isteach sa Rialachán seo chun na cearta agus an rochtain is gá a thabhairt don oifigeach údarúcháin freagrach, don Oifig Eorpach Frith-Chalaoise (OLAF) agus do Chúirt Iniúcháirí na hEorpa chun go bhféadfaidh gach ceann díobh a chuid inniúlachtaí féin a fheidhmiú go cuimsitheach.]
- (39) Leagtar síos sa Rialachán Airgeadais na rialacha maidir le deontais a dheonú. Chun saintréithe na ngníomhaíochtaí a fhaigheann tacaíocht faoin gClár a chur san áireamh agus cur chun feidhme comhsheasmhach a áirithiú idir na hearnálacha atá cumhdaithe ag an gClár, is gá léirithe breise a thabhairt maidir leis na critéir incháilitheachta agus dhámhachtana.

- (40) I gcomhréir leis an Rialachán Airgeadais, agus le Rialachán (AE, Euratom) Uimh. 833/2013 ó Pharlaimint na hEorpa agus ón gComhairle¹⁹, Rialachán (Euratom, CE) Uimh.2988/95²⁰ ón gComhairle, Rialachán (Euratom, CE) Uimh. 2185/96²¹ ón gComhairle agus Rialachán (AE) 2017/193²² ón gComhairle, déanfar leasanna airgeadais an Aontais a chosaint trí bhearta comhréireacha, lena n-áirítear trí neamhrialtachtaí agus calaois a chosc, a bhrath, a cheartú agus a fhiosrú, cistí a cailleadh, a íocadh go mícheart nó a úsáideadh go mícheart a ghnóthú agus, i gcás inarb iomchuí, smachtbhannaí riaracháin a fhorchur. Go háirithe, i gcomhréir le Rialachán (AE, Euratom) Uimh. 883/2013 agus Rialachán (Euratom, CE) Uimh. 2185/96 féadfaidh an Oifig Eorpach Frith-Chalaoise (OLAF) imscrúduithe riaracháin a dhéanamh, lena n-áirítear seiceálacha agus cigireachtaí ar an láthair, d'fhonn a shuí ar tharla calaois, éilliú nó aon ghníomhaíocht neamhdhleathach eile a dhéanann difear do leasanna airgeadais an Aontais. I gcomhréir le Rialachán (AE) 2017/1939, féadfaidh Oifig an Ionchúisitheora Phoiblí Eorpaigh (OIPE) calaois agus gníomhaíochtaí neamhdhleathacha eile a dhéanann difear do leasanna airgeadais an Aontais a fhiosrú agus a ionchúiseamh, de réir mar a fhoráiltear i dTreoir (AE) 2017/1371 ó Pharlaimint na hEorpa agus ón gComhairle²³. I gcomhréir leis an Rialachán Airgeadais, ní mór d'aon duine nó d'aon eintiteas a fhaigheann cistí ón Aontas comhoibriú go hiomlán i gcosaint leasanna airgeadais an Aontais agus na cearta agus an rochtain is gá a thabhairt don Choimisiún, do OLAF, d'Oifig an Ionchúisitheora Phoiblí Eorpaigh (OIPE) agus do Chúirt Iniúchóirí na hEorpa (CIE), agus ní mór dó a áirithiú go ndéanfaidh aon tríú páirtithe a bheidh páirteach i gcur chun feidhme cistí de chuid an Aontais cearta coibhéiseacha a thabhairt.

¹⁹ Rialachán (AE, Euratom) Uimh. 883/2013 ó Pharlaimint na hEorpa agus ón gComhairle an 11 Meán Fómhair 2013 maidir le himscrúduithe arna ndéanamh ag an Oifig Eorpach Frith-Chalaoise (OLAF) agus lena n-aisghairtear Rialachán (CE) Uimh. 1073/1999 ó Pharlaimint na hEorpa agus ón gComhairle agus Rialachán (Euratom) Uimh. 1074/1999 ón gComhairle (IO L 248, 18.9.2013, lch.1)

²⁰ Rialachán (CE, Euratom) Uimh. 2988/95 ón gComhairle an 18 Nollaig 1995 maidir le leasanna airgeadais na gComhphobal Eorpach a chosaint (IO L 312, 23.12.95, lch.1).

²¹ Rialachán (Euratom, CE) Uimh. 2185/96 ón gComhairle an 11 Samhain 1996 maidir le seiceálacha agus cigireachtaí ar an láthair arna ndéanamh ag an gCoimisiún chun leasanna airgeadais na gComhphobal Eorpach a chosaint i gcoinne na calaoise agus neamhrialtachtaí eile (IO L 292, 15.11.1996, lch. 2).

²² Rialachán (AE) 2017/1939 ón gComhairle an 12 Deireadh Fómhair 2017 lena gcuirtear chun feidhme comhar feabhsaithe maidir le bunú Oifig an Ionchúisitheora Phoiblí Eorpaigh (OIPE) (IO L 283, 31.10.2017, lch. 1).

²³ Treoir (AE) 2017/1371 ó Pharlaimint na hEorpa agus ón gComhairle an 5 Iúil 2017 maidir leis an gcomhrac in aghaidh na calaoise ar leasanna airgeadais an Aontais trí bhithin an dlí choiriúil (IO L 198, 28.7.2017, lch. 29).

- (41) De bhun [tagairt le nuashonrú mar is iomchuí de réir an chinnidh nua maidir OCTanna: Airteagal 94 de Chinneadh 2013/755/AE ón gComhairle²⁴], tá daoine agus eintitis atá lonnaithe i dtíortha agus críocha thar lear incháilithe do chistiú faoi réir rialacha agus chuspóirí an Chláir agus faoi réir aon socrú féideartha is infheidhme maidir leis an mBallstát lena mbaineann an tír nó an chríoch ábhartha thar lear.
- (42) Ba cheart don Aontas comhleanúnachas agus sineirgíochtaí le cláir eile an Aontais a lorg maidir le beartais sheachtracha, lena n-áirítear cúnamh réamhaontachais de réir na ngealltanais a tugadh i gcomhthéacs na Teachtaireachta dar teideal "*A credible enlargement perspective for and enhanced EU engagement with the Western Balkans*" [Peirspictíocht inchreidte faoi mhéadú le haghaidh na mBalcán Thiar agus rannpháirtíocht fheabhsaithe ón Aontas leis na Balcáin Thiar]²⁵.
- (43) I gcás ina mbeidh tríú tíortha nó eintitis atá bunaithe i dtríú tíortha rannpháirteach i ngníomhaíochtaí a chuireann le tionscadail leasa choitinn nó le tionscadail trasteorann i réimse an fhuinnimh in-athnuaite, níor cheart cúnamh airgeadais a chur ar fáil ach amháin murar féidir déanamh dá uireasa chun cuspóirí na dtionscadal sin a ghnóthú. Maidir le tionscadail trasteorann i réimse an fhuinnimh in-athnuaite, ba cheart go n-urramódh an comhar idir Ballstát amháin nó roinnt Ballstát agus tríú tír (lena n-áirítear an Comhphobal Fuinnimh) na coinníollacha a leagtar amach in Airteagal 11 de Threoir (AE) 2018/XXX ó Pharlaimint na hEorpa agus ón gComhairle [an Treoir maidir le Fuinneamh In-athnuaite] i dtaca leis an ngá atá le nasc fisiceach leis an Aontas Eorpach.
- (44) De bhun mhír 22 agus mhír 23 de Chomhaontú Idirinstitiúideach an 13 Aibreán 2016 maidir le Reachtóireacht Níos Fearr²⁶, is gá meastóireacht a dhéanamh ar an gClár seo ar bhonn faisnéis arna bailiú trí cheanglais faireacháin shonracha, agus ró-rialáil agus ualaí riaracháin, ar na Ballstáit go háirithe, á seachaint san am céanna. Ba cheart don Choimisiún meastóireachtaí a dhéanamh chun measúnú a dhéanamh ar éifeachtacht agus éifeachtúlacht an mhaoinithe agus ar a thionchar ar spriocanna foriomlána an Chláir agus ba cheart dó na meastóireachtaí sin a chur in iúl do Pharlaimint na hEorpa, don Chomhairle, do Choiste Eacnamaíoch agus Sóisialta na hEorpa agus do Choiste na Réigiún.

²⁴ IO L 344, 19.12.2013, lch.1

²⁵ COM(2018) 65

²⁶ An Comhaontú Idirinstitiúideach idir Parlaimint na hEorpa, Comhairle an Aontais Eorpaigh agus an Coimisiún Eorpach an 13 Aibreán 2016 maidir le Reachtóireacht Níos Fearr; IO L 123, 12.5.2016, lgh. 1-14

- (45) Ba cheart bearta cuí faireacháin agus tuairiscithe, lena n-áirítear táscairí, a chur chun feidhme chun an dul chun cinn atá déanta ag an gClár maidir le gnóthú na gcuspóirí ginearálta agus sonracha a leagtar amach sa Rialachán seo a thabhairt le fios. Ba cheart go n-áiritheofaí leis an gcóras tuairiscithe feidhmíochta go mbaileofar ar dhóigh atá éifeachtúil, éifeachtach agus tráthúil na sonraí is gá chun faireachán a dhéanamh ar chur chun feidhme an Chláir. Is gá ceanglais chomhréireacha tuairiscithe a fhorchur ar fhaighteoirí cistí de chuid an Aontais chun sonraí ábhartha a bhailiú don Chlár.
- (46) Chun coinníollacha aonfhoirmeacha a áirithiú maidir leis an Rialachán seo a chur chun feidhme, ba cheart cumhachtaí cur chun feidhme a thabhairt don Choimisiún chun na cláir oibre a ghlacadh. Ba cheart na cumhachtaí sin a fheidhmiú i gcomhréir le Rialachán (AE) Uimh. 182/2011 ó Pharlaimint na hEorpa agus ón gComhairle²⁷.
- (47) D'fhoill na táscairí a úsáidtear san fhaireachán ar an gClár, céatadáin tháscacha na n-acmhainní buiséadacha a leithdháiltear ar gach cuspóir sonrach in earnáil an iompair, agus an sainmhíniú ar chonairí an chroíghréasáin iompair, a oiriúnú, i gcás inar gá, ba cheart an chumhacht chun gníomhartha a ghlacadh i gcomhréir le hAirteagal 290 den Chonradh ar Fheidhmiú an Aontais Eorpaigh a tharmligean chuig an gCoimisiún i dtaca le leasuithe ar Chuid I, Chuid II agus Chuid III den Iarscríbhinn a ghabhann leis an Rialachán seo. Tá sé tábhachtach, go háirithe, go rachadh an Coimisiún i mbun comhairliúcháin iomchuí le linn a chuid oibre ullmhúcháin, lena n-áirítear ar leibhéal na saineolaithe, agus go ndéanfar na comhairliúcháin sin i gcomhréir leis na prionsabail a leagtar síos sa Chomhaontú Idirinstitiúideach maidir le Reachtóireacht Níos Fearr an 13 Aibreán 2016. Go sonrach, chun rannpháirtíocht chomhionann in ullmhú na ngníomhartha tarmligthe a áirithiú, gheobhaidh Parlaimint na hEorpa agus an Chomhairle na doiciméid uile i gcomhthráth leis na saineolaithe sna Ballstáit, agus beidh rochtain chórasach ag a gcuid saineolaithe ar chruinnithe ghrúpaí saineolaithe an Choimisiúin a bheidh ag déileáil le hullmhú na ngníomhartha tarmligthe.

²⁷ Rialachán (AE) Uimh. 182/2011 ó Pharlaimint na hEorpa agus ón gComhairle an 16 Feabhra 2011 lena leagtar síos na rialacha agus na prionsabail ghinearálta a bhaineann leis na sásraí maidir le rialú ag na Ballstáit ar fheidhmiú cumhachtaí cur chun feidhme ag an gCoimisiún (IO L 55, 28.2.2011, lch. 13)

- (48) Ar mhaithe le soiléireacht, ba cheart Rialachán (AE) Uimh. 1316/2013 agus Rialachán (AE) Uimh. 283/2013 a aisghairm. Ba cheart, mar sin féin, éifeachtaí Airteagal 29 de Rialachán (AE) Uimh. 1316/2013, lena leasaítear an Iarscríbhinn a ghabhann le Rialachán (AE) Uimh. 913/2010 ó Pharlaimint na hEorpa agus ón gComhairle²⁸ a chaomhnú maidir leis an liosta de na conairí lastais.
- (49) D'fhonn a áirithiú go nglacfar na gníomhartha cur chun feidhme dá bhforáiltear sa Rialachán seo in am, is gá dó teacht i bhfeidhm láithreach tráth a fhoilsithe,

TAR ÉIS AN RIALACHÁN SEO A GHLACADH:

²⁸ Rialachán (AE) Uimh. 913/2010 ó Pharlaimint na hEorpa agus ón gComhairle an 22 Meán Fómhair 2010 maidir le gréasán Eorpach iarnróid i gcomhair lasta iomaíoch (IO L 276, 20.10.2010, lch. 22).

CAIBIDIL I

FORÁLACHA GINEARÁLTA

Airteagal 1

Ábhar

Is é a bhunaítear leis an Rialachán seo an tSaoráid um Chónascadh na hEorpa (an "Clár").

Leagtar síos leis cuspóirí an Chláir, an buiséad don tréimhse 2021-2027, na foirmeacha cistiúcháin ón Aontas agus na rialacha a bhaineann leis an geistiú sin a sholáthar.

Airteagal 2

Sainmhínithe

Chun críocha an Rialacháin seo, beidh feidhm ag na sainmhínithe seo a leanas:

- (a) ciallaíonn "gníomhaíocht" aon ghníomhaíocht a bhfuil sé aitheanta gur gníomhaíocht í atá neamhspleách ó thaobh airgeadais agus ar bhonn teicniúil de, a bhfuil sceideal leagtha amach di agus atá riachtanach chun tionscadal a chur chun feidhme;
- (b) ciallaíonn "breoslaí malartacha" breoslaí malartacha mar a shainmhínítear in Airteagal 2(1) de Threoir 2014/94/AE;
- (c) [...]
- (d) ciallaíonn "oibríocht mheasctha" gníomhaíocht a fhaigheann tacaíocht ó bhuiséad an Aontais, lena n-áirítear laistigh de shaoráidí measctha de bhun Airteagal [2(6)] de Rialachán (AE, Euratom) 2018/XXX ("an Rialachán Airgeadais"), lena gcomhcheanglaítear foirmeacha neamh-iníoctha tacaíochta agus/nó ionstraimí airgeadais ó bhuiséad an Aontais le foirmeacha iníoctha tacaíochta ó institiúidí forbartha nó institiúidí airgeadais poiblí eile, agus ó institiúidí airgeadais tráchtála agus ó infheisteoirí;

- (e) ciallaíonn "gréasán cuimsitheach" an bonneagar iompair a shainaithnítear i gcomhréir le Caibidil II de Rialachán (AE) Uimh. 1315/2013;
- (f) ciallaíonn "croíghréasán" an bonneagar iompair a shainaithnítear i gcomhréir le Caibidil III de Rialachán (AE) Uimh. 1315/2013;
- (g) ciallaíonn "conairí an chroíghréasáin" ionstraim chun cur chun feidhme comhordaithe an chroíghréasáin dá bhforáiltear i gCaibidil IV de Rialachán (AE) Uimh. 1315/2013 agus a liostaítear i gCuid III den Iarscríbhinn a ghabhann leis an Rialachán seo a éascú;
- (ga) ciallaíonn "nasc trasteorann" in earnáil an iompair tionscadal leasa choitinn lena n-áiríthítear leanúnachas an ghréasáin TEN-T idir dhá Bhallstát nó idir Ballstát agus tír chomharsanachta;
- (gb) ciallaíonn "nasc in easnamh" in earnáil an iompair comhpháirt de chuid an bhonneagair a bheith in easnamh ar an ngréasán TEN-T a chuireann bac ar leanúnachas an ghréasáin TEN-T agus a éilíonn infheistíocht i gcomhpháirt sin an bhonneagair;
- (gc) ciallaíonn "bonneagar iompair dé-úsáide" bonneagar iompair greasáin lena dtugtar aghaidh ar na comhphobail chosanta agus shibhialta;
- (h) ciallaíonn "tionscadal trasteorann i réimse an fhuinnimh in-athnuaite" tionscadal a roghnaítear nó is incháilithe le roghnú faoi chomhaontú comhair nó faoi aon chineál eile socraithe idir dhá Ballstát ar a laghad nó aon chineál eile socraithe idir Ballstát amháin, ar a laghad, agus tríú tíortha nó tríú tíortha mar a shainítear i dTreoir (AE) 2018/XXX ó Pharlaimint na hEorpa agus ón gComhairle²⁹[An Treoir maidir le Fuinneamh In-athnuaite] maidir le fuinneamh in-athnuaite a phleanáil nó a imlonnú, i gcomhréir leis na critéir a leagtar amach i gCuid IV den Iarscríbhinn a ghabhann leis an Rialachán seo;
- (i) ciallaíonn "bonneagar nascachta digití" líonraí an-ardtoillte, córais 5G, nascacht áitiúil idirlín gan sreang ar an-ardcháilíocht, líonraí cnámh droma, agus ardáin dhigiteacha oibríochtúla a bhfuil baint dhíreach acu le bonneagar iompair agus fuinnimh;

²⁹ Togra le haghaidh Treoir (AE) 2018/XXX ó Pharlaimint na hEorpa agus ón gComhairle maidir le húsáid fuinnimh ó fhoinsí inathnuaite a chur chun cinn (IO C , , lch.).

- (j) ciallaíonn "córais 5G" foireann d'eilimintí bonneagair dhigitigh atá bunaithe ar chaighdeán dhomhanda le haghaidh na teicneolaíochta cumarsáide móibíle agus gan sreang a úsáidtear i seirbhísí nascachta agus breisluacha a bhfuil saintréithe ardfheidhmíochta iontu amhail rátaí agus toilleadh sonraí an-ard, aga folaigh íseal cumarsáide, iontaofacht ultra-ard, nó atá in ann líon ard gléasanna nasctha a iompar;
- (k) ciallaíonn "conair 5G" conair iompair, bóthar, iarnród nó uiscebhealaí intíre, a bhfuil cumhdach iomlán bonneagair nascachta digití, agus go háirithe córais 5G, uirthi nó air, rud a fhágann gur féidir seirbhísí digiteacha sineirgíochta a sholáthar gan bhriseadh, amhail seirbhísí soghluaisteachta nasctha agus uathoibrithe nó seirbhísí soghluaisteachta cliste den chineál céanna le haghaidh iarnróid;
- (l) ciallaíonn "ardáin dhigiteacha oibríochtúla a bhfuil baint dhíreach acu le bonneagar iompair agus fuinnimh" acmhainní teicneolaíochta faisnéise agus cumarsáide ("TFC") fisiceacha agus fíorúla a oibríonn os cionn an bhonneagair cumarsáide agus a thugann tacaíocht maidir le sreabhadh, stóráil, próiseáil agus anailísiú sonraí bonneagair iompair agus/nó fuinnimh;
- (m) ciallaíonn "tionscadal leasa choitinn" tionscadal a shainaithnítear i Rialachán (AE) Uimh. 1315/2013 nó i Rialachán (AE) Uimh. 347/2013 nó in Airteagal 8 den Rialachán seo;
- (n) ciallaíonn "staidéir" gníomhaíochtaí a bhfuil gá leo chun cur chun feidhme tionscadal a ullmhú, amhail staidéir ullmhúcháin, staidéir mhapála, staidéir féidearthachta, staidéir mheastóireachta, staidéir thástála agus bhailíochtaithe, lena n-áirítear staidéir i bhfoirm bogearraí, agus aon bheart tacaíochta teicniúla eile, lena n-áirítear réamhbheart chun tionscadal a shainmhíniú agus a fhorbairt agus chun cinneadh a dhéanamh maidir lena mhaoiniú, amhail taiscéalaíocht na suíomhanna lena mbaineann agus ullmhú an phacáiste airgeadais;
- (o) ciallaíonn "gníomhaithe socheacnamaíocha" eintitis ar féidir leo, de bharr an mhisin atá acu, an nádúr atá iontu nó an tsuímh ina bhfuil siad, sochair shocheacnamaíocha mhóra a ghiniúint go díreach nó go hindíreach do shaoránaigh, do ghnólachtaí agus do phobail áitiúla atá lonnaithe ar an gcríoch atá timpeall orthu;
- (p) ciallaíonn "tríú tír" tír nach bhfuil ina ball den Aontas Eorpach;
- (q) ciallaíonn "líonraí an-ardtoillte" líonraí an-ardtoillte mar a shainmhínítear in Airteagal [2(2)] de Threoir (AE) 2018/XXX [an Cód Eorpach don Chumarsáid Leictreonach]

- (r) ciallaíonn "oibreacha" ceannach, soláthar agus imlonnú comhpháirteanna, córas agus seirbhísí lena n-áirítear bogearraí, cur i gcrích gníomhaíochtaí forbartha agus tógála agus suiteála a bhaineann le tionscadal, glacadh le suiteálacha agus tionscadal a sheoladh.

Airteagal 3

Cuspóirí

1. Is é is cuspóir ginearálta don Chlár na gréasáin thras-Eorpacha i réimsí an iompair, an fhuinnimh agus na seirbhísí digiteacha a fhorbairt, a nuachóiriú agus a chur i gcrích agus comhar trasteorann a éascú i réimse an fhuinnimh in-athnuaite, agus na gealltanais fhadtéarmacha maidir le dícharbónú, comhtháthú críochach agus comhtháthú an mhargaidh inmheánaigh a áirithiú agus béim a chur ar shineirgíochtaí idir na hearnálacha.
2. Seo a leanas cuspóirí sonracha an Chláir:
 - (a) In earnáil an iompair:
 - (i) i gcomhréir le cuspóirí Rialachán (AE) Uimh. 1315/2013, cabhrú chun tionscadail leasa choitinn a fhorbairt maidir le líonraí agus gréasáin éifeachtúla agus idirnasctha agus maidir le bonneagar le haghaidh soghluaisteacht chliste, inbhuanaithe, chuimsitheach, shábháilte agus shlán;
 - (ii) cabhrú chun bonneagar iompair dé-úsáide shibhialta/mhíleata a fhorbairt chun an tsoghluaisteacht mhíleata a fheabhsú laistigh den Aontas agus níos faide i gcéin;
 - (b) In earnáil an fhuinnimh, cabhrú chun tionscadail leasa choitinn a fhorbairt maidir leis an margadh inmheánach fuinnimh a chomhtháthú tuilleadh, le hidir-inoibritheacht gréasán thar theorainneacha agus earnálacha, leis an dícharbónú a éascú agus slándáil an tsoláthair a áirithiú, agus le comhar trasteorann a áirithiú i réimse an fhuinnimh in-athnuaite;

- (c) In earnáil na seirbhísí digiteacha, cabhrú chun líonraí digiteacha an-ardtoillte agus córais 5G a imlonnú, athléimneacht bhreise agus toilleadh breise a chur leis na líonraí digiteacha cnámh droma agus le digitiú na ngréasán iompair agus fuinnimh.

Airteagal 4

Buiséad

1. Is é [EUR 42,265,493,000 i bpraghsanna reatha] an t-imchlúdach airgeadais a bheidh ann chun an Clár a chur chun feidhme don tréimhse 2021-2027.
2. Seo mar a dhéanfar an méid sin a dháileadh:
 - (a) [EUR 30,615,493,000] maidir leis na cuspóirí sonracha dá dtagraítear in Airteagal 3(2)(a) mar seo a leanas:
 - (i) [EUR 12,830,000,000] as an gnuasach le haghaidh Infheistíochtaí Straitéiseacha Eorpacha;
 - (ii) [EUR 11,285,493,000] [aistrithe ón gCiste Comhtháthaithe le caitheamh i gcomhréir leis an Rialachán seo i mBallstáit a bheidh incháilithe le haghaidh cistiú ón gCiste Comhtháthaithe, agus sna Ballstáit sin amháin];
 - (iii) [EUR 6,500,000,000] as an gnuasach le haghaidh na Cosanta maidir leis an gcuspóir sonrach dá dtagraítear in Airteagal 3(2)(a)(ii);
 - (b) [EUR 8,650,000,000] maidir leis na cuspóirí sonracha dá dtagraítear in Airteagal 3(2)(b), ar le haghaidh na dtionscadal trasteorann i réimse an fhuinnimh in-athnuaite suas le 15% de
 - (c) [EUR 3,000,000,000] maidir leis na cuspóirí sonracha dá dtagraítear in Airteagal 3(2)(c).
3. Ní imeoidh an Coimisiún ón méid dá dtagraítear i bhfomhír 2(a)(ii).

4. Féadfar suas go 1% den méid dá dtagraítear i mír 1 a úsáid le haghaidh cúnamh teicniúil agus riaracháin chun an Clár agus na treoirlínte a bhaineann go sonrach le hearnáil ar leith a chur chun feidhme, amhail gníomhaíochtaí ullmhúcháin, faireacháin, rialaithe, iniúchóireachta agus meastóireachta, lena n-áirítear córais teicneolaíochta agus faisnéise chorporáideacha. Féadfar an méid sin a úsáid freisin chun bearta tionlacain a mhaoiniú chun tacú le tionscadail a ullmhú.
5. Féadfar gealltanais bhuiséadacha maidir le gníomhaíochtaí ar faide ná aon bhliain airgeadais amháin iad a roinnt ina dtráthchodanna bliantúla thar roinnt blianta.
6. Gan dochar don Rialachán Airgeadais, féadfaidh caiteachas le haghaidh gníomhaíochtaí a thagann as tionscadail a áirítear sa chéad chlár oibre a bheith incháilithe ón 1 Eanáir 2021.
7. [An méid a aistreofar as an gCiste Comhtháthaithe, déanfar é a chur chun feidhme i gcomhréir leis an Rialachán seo, faoi réir mhír 8 agus gan dochar d'Airteagal 14(2)(b).]
8. [Maidir leis na méideanna a aistreofar as an gCiste Comhtháthaithe, cuirfear 30% de na méideanna sin ar fáil láithreach do na Ballstáit uile atá incháilithe chun cistiú a fháil ón gCiste Comhtháthaithe chun tionscadail bonneagair iompair a mhaoiniú i gcomhréir leis an Rialachán seo, agus tosaíocht á tabhairt do na naisc thrasteorann agus na naisc atá in easnamh. Go dtí an 31 Nollaig 2023, déanfar na leithdháiltí náisiúnta faoin gCiste Comhtháthaithe a urramú maidir le 70% de na hacmhainní arna n-aistriú agus tionscadail a bheidh incháilithe chun maoiniú a fháil á roghnú. Ón 1 Eanáir 2024, acmhainní nach bhfuil geallta le haghaidh tionscadal bonneagair iompair agus a aistríodh chuig an gClár, cuirfear ar fáil iad do gach Ballstát a bheidh incháilithe chun cistiú a fháil ón gCiste Comhtháthaithe, chun tionscadail bonneagair iompair a mhaoiniú i gcomhréir leis an Rialachán seo.]
- 8a. Ní dhéanfar an méid a aistreofar as an gCiste Comhtháthaithe a úsáid chun maoiniú a dhéanamh ar chlár oibre shonracha thrasearnála ná ar oibríochtaí measctha.

9. Féadfar acmhainní arna leithdháileadh ar Bhallstáit faoin mbainistíocht chomhroinnte a aistriú chuig an gClár, má iarrann na Ballstáit sin. Cuirfidh an Coimisiún na hacmhainní sin chun feidhme go díreach i gcomhréir le [pointe (a) d'Airteagal 62(1)] den Rialachán Airgeadais nó go hindíreach i gcomhréir le pointe (c) den Airteagal sin. Úsáidfear na hacmhainní sin chun leas an Bhallstáit lena mbaineann.

[Airteagal 5

Tríú tíortha atá comhlachaithe leis an gClár

1. Féadfaidh na tríú tíortha seo a leanas páirt a ghlacadh sa Chlár:
- (a) comhaltaí de Chomhlachas Saorthrádála na hEorpa (CSTE) ar comhaltaí iad den Limistéar Eorpach Eacnamaíoch (LEE), i gcomhréir leis na coinníollacha a leagtar síos sa Chomhaontú maidir le LEE;
 - (b) tíortha aontacha, tíortha is iarrthóirí agus tíortha is iarrthóirí ionchasacha, i gcomhréir leis na prionsabail ghinearálta agus na téarmaí agus coinníollacha ginearálta a bhaineann le rannpháirtíocht na dtíortha sin i gcláir de chuid an Aontais arna mbunú sna comhaontuithe réime comhfhreagracha agus sna cinntí ó Chomhairlí Comhlachais lena mbaineann, nó i gcomhaontuithe eile den chineál céanna, agus i gcomhréir leis na coinníollacha sonracha a leagtar síos sna comhaontuithe idir an tAontas agus na tíortha sin;
 - (c) tíortha a chuimsítear faoi Bheartas Comharsanachta na hEorpa, i gcomhréir leis na prionsabail ghinearálta agus na téarmaí agus coinníollacha ginearálta a bhaineann le rannpháirtíocht na dtíortha sin i gcláir de chuid an Aontais arna mbunú sna comhaontuithe réime comhfhreagracha agus sna cinntí ó Chomhairlí Comhlachais lena mbaineann, nó i gcomhaontuithe eile den chineál céanna, agus i gcomhréir leis na coinníollacha sonracha a leagtar síos sna comhaontuithe idir an tAontas agus na tíortha sin;
 - (d) tríú tíortha eile, i gcomhréir leis na coinníollacha a leagtar síos i gcomhaontú sonracha lena gcumhdaítear rannpháirtíocht an tríú tír in aon chlár de chuid an Aontais, ar choinníoll:

- go n-áirithítear leis an gcomhaontú cothromaíocht chóir idir ranníocaíochtaí agus sochair an tríú tír atá rannpháirteach sna cláir de chuid an Aontais;
- go leagtar síos leis an gcomhaontú coinníollacha maidir le rannpháirtíocht sna cláir, lena n-áirítear ríomh na ranníocaíochtaí airgeadais le cláir aonair agus a gcostais riaracháin. Ioncam sannta i gcomhréir le hAirteagal [21(5)] den Rialachán Airgeadais a bheidh sna ranníocaíochtaí sin;
- nach dtugtar leis an gcomhaontú cumhacht don tríú tír cinntí a dhéanamh maidir leis an gClár;
- go ráthaítear leis an gcomhaontú cearta an Aontais chun bainistíocht fhóna airgeadais a áirithiú agus chun a leasanna airgeadais a chosaint.

2. Gan dochar d'Airteagal 8 de Threoir (AE) Uimh. 1315/2013, ní fhéadfaidh na tríú tíortha dá dtagraítear i mír 1, agus na heintitis arna mbunú sna tíortha sin, cúnamh airgeadais a fháil faoin Rialachán seo ach amháin más gá sin chun cuspóirí tionscadail áirithe leasa choitinn a ghnóthú agus faoi na coinníollacha a leagtar síos sna cláir oibre dá dtagraítear in Airteagal 19.]

Airteagal 6

Cur chun feidhme agus foirmeacha cistiúcháin ón Aontas

1. Cuirfear an Clár chun feidhme tríd an mbainistíocht dhíreach i gcomhréir leis an Rialachán Airgeadais nó tríd an mbainistíocht indíreach le comhlachtaí dá dtagraítear in Airteagal [62(1)(c)] den Rialachán Airgeadais.
2. Féadfar ranníocaíochtaí ón Aontas a sholáthar ón gClár, agus na ranníocaíochtaí sin a bheith in aon cheann de na foirmeacha a leagtar síos sa Rialachán Airgeadais, go háirithe deontais agus soláthar poiblí. Féadfaidh an clár rannchuidiú le hoibríochtaí measctha i gcomhréir leis an Rialachán maidir le InvestEU agus le Teideal X den Rialachán Airgeadais. Ní rachaidh ranníocaíochtaí ón Aontas chuig na hoibríochtaí measctha os cionn 10% de mhéid an bhuiséid mar atá sonraithe in Airteagal 4(1), ach amháin i gcás an mhéid a aistrítear as an gCiste Comhtháthaithe.

3. Féadfaidh an Coimisiún cumhacht maidir le cuid den Chlár a chur chun feidhme a tharmligean chuig gníomhaireachtaí feidhmiúcháin i gcomhréir le hAirteagal [69] den Rialachán Airgeadais d'fhonn bainistiú barrmhaith agus ceanglais éifeachtúlachta an Chláir i réimsí an iompair, an fhuinnimh agus na seirbhísí digiteacha a áirithiú.
4. Féadfaidh ranníocaíochtaí le sásra árachais fhrithpháirtigh an baol a bhaineann le gnóthú na gcistí atá dlite ag faighteoirí a chumhdach agus measfar gur ráthaíocht leordhóthanach é faoin Rialachán Airgeadais. Beidh feidhm ag na forálacha a leagtar síos in [Airteagal X de] Rialachán XXX [comharba an Rialacháin maidir leis an gCiste Ráthaíochta].

Airteagal 7

Tionscadail trasteorann i réimse an fhuinnimh in-athnuaite

1. Beidh dhá Bhallstát ar a laghad páirteach i dtionscadail trasteorann i réimse an fhuinnimh in-athnuaite agus áireofar na tionscadail sin i gcomhaontú comhair nó i socrú de chineál ar bith eile idir na Ballstáit nó i socruithe de chineál ar bith eile idir na Ballstáit agus tríú tíortha a leagtar amach i dTreoir (AE) 2018/XXX [An Treoir maidir le Fuinneamh In-athnuaite]. Déanfar na tionscadail sin a shainaithint i gcomhréir leis na critéir agus an nós imeachta a leagtar síos i gCuid IV den Iarscríbhinn a ghabhann leis an Rialachán seo.
2. Faoin 31 Nollaig 2019, glacfaidh an Coimisiún gníomh tarmligthe i gcomhréir le hAirteagal 23(d) den Rialachán seo chun na critéir roghnúcháin a shonrú tuilleadh agus mionsonraí phróiseas roghnúcháin na dtionscadal a leagan síos agus foilseoidh sé na modheolaíochtaí chun an méid a chuireann na tionscadail leis na critéir ghinearálta a mheas agus chun na costais agus na sochair iomlána a shonraítear i gCuid IV den Iarscríbhinn a mheas.
3. Na staidéir atá dírithe ar thionscadail trasteorann i réimse an fhuinnimh in-athnuaite a fhorbairt agus a shainaithint, beidh siad incháilithe chun cistiú a fháil faoin Rialachán seo.

4. Na tionscadail trasteorann i réimse an fhuinnimh in-athnuaite, beidh siad incháilithe chun cistiú a fháil ón Aontas maidir le hoibreacha má chomhlíonann siad na critéir bhreise seo a leanas:
- (a) an anailís costais/sochair a bhaineann go sonrach leis an tionscadal de bhun pointe 3 de Chuid IV den Iarscríbhinn, go bhfuil fianaise inti maidir le laghdú mór ar na costais agus/nó maidir le sochair mhóra i ndáil le comhtháthú an chórais, slándáil an tsoláthair nó nuálaíocht, agus;
 - (b) go bhfuil sé léirithe ag an iarratasóir nach mbeadh ann don tionscadal in éagmais an deontais, nó nach féidir leis an tionscadal a bheith inmharthana ó thaobh na tráchtála de in éagmais an deontais. Cuirfear san áireamh san anailís sin aon ioncam a thagann as scéimeanna tacaíochta.
5. Beidh méid an deontais le haghaidh na n-oibreacha i gcomhréir leis an laghdú ar chostas agus/nó leis na sochair dá dtagraítear i bpointe 2(b) de Chuid IV den Iarscríbhinn agus ní bheidh sé níos airde ná an méid is gá lena áirithiú go mbeidh ann don tionscadal nó go mbeidh an tionscadal inmharthana ó thaobh na tráchtála de.
6. Agus éascaíocht á déanamh do thionscadail trasteorann i réimse an fhuinnimh in-athnuaite, forálfar leis an gClár go bhféadfaí cistiú comhordaithe a bheith ann leis an gcreat cumasúcháin maidir le fuinneamh imlonnú dá dtagraítear in Airteagal 3(5) de [An Treoir maidir le Fuinneamh In-athnuaite (AE) 2018/XXXX] agus sásra maoinithe an Aontais don fhuinnimh in-athnuaite, dá dtagraítear in Airteagal 33 de [Rialachán (AE) 2018/XXXX maidir le Rialachas an Aontais Fuinnimh]. Maidir leis an méid dá dtagraítear i mír 2(b) d'Airteagal 4, arna dháileadh ar na cuspóirí fuinnimh in-athnuaite, go háirithe cistí atá ar fáil chun na críche sin, féadfar an méid sin a úsáid chun sásra maoinithe an Aontais don fhuinnimh in-athnuaite a bhunaítear le [Rialachán (AE) 2018/XXXX maidir le Rialachas an Aontais Fuinnimh] a chomhchistiú. Sa ghníomh cur chun feidhme maidir leis an sásra maoinithe don fhuinnimh in-athnuaite, sonrófar rialacha sonracha maidir le comhchistiú idir an chuid a bhaineann le tionscadail trasteorann i réimse an fhuinnimh in-athnuaite faoi SCE agus sásra maoinithe an Aontais don fuinneamh in-athnuaite, dá dtagraítear in Airteagal 33 den Rialachán [Rialachas], agus déanfar sin in am do theacht i bhfeidhm an Rialacháin maidir le SCE.

Airteagal 8

Tionscadail leasa choitinn i réimse an bhonneagair nascachta digití

1. Cuirfidh tionscadail leasa choitinn i réimse an bhonneagair nascachta digití leis na cuspóirí sonracha dá dtagraítear in Airteagal 3(2)(c).
2. Na staidéir atá dírithe ar thionscadail leasa choitinn i réimse an bhonneagair nascachta digití a fhorbairt agus a shainaithint, beidh siad incháilithe chun cistiú a fháil faoin Rialachán seo.
3. Gan dochar do na critéir dhámhachtana a leagtar amach in Airteagal 13, déanfar na critéir seo a leanas a chur san áireamh agus an tosaíocht maidir leis an gcistiú á chinneadh:
 - (a) tabharfar tosaíocht do ghníomhaíochtaí a rannchuidíonn le himlonnú líonraí an-ardtoillte agus chórais 5G, agus le rochtain orthu, a bhfuil de chumas iontu nascacht ghigighiotáin a sholáthar i gceantair ina bhfuil gníomhaithe socheacnamaíocha lonnaithe, i gcomhréir le Cuid V den Iarscríbhinn. Is féidir tacú le himlonnú neamhspleách do ghníomhaithe socheacnamaíocha ach amháin i gcás gur díreireach sin go heacnamaíoch nó gur dodhéanta é go fisiciúil.
 - (b) gníomhaíochtaí a chuireann leis an soláthar de nascacht áitiúil gan sreang ar an-ardcháilíocht i bpobail áitiúla, i gcomhréir le Cuid V den Iarscríbhinn;
 - (c) maidir le gníomhaíochtaí a chabhraíonn le córais 5G a imlonnú, tabharfar tosaíocht do chonairí 5G a imlonnú, lena n-áirítear an gréasán tras-Eorpach iompair, agus aird á tabhairt, le cur chuige réamhbhreathnaitheach, ar a ábharthacht shocheacnamaíoch i ndáil le haon réitigh theicneolaíocha atá suiteáilte cheana féin. Cuirfear san áireamh freisin an méid a chabhraíonn an ghníomhaíocht chun a áirithiú go mbeidh cuimsiú ann feadh na bpríomhchonairí iompair le go bhféadfar seirbhísí digiteacha sineirgíochta a sholáthar gan bhriseadh. I gCuid V den Iarscríbhinn tugtar liosta táscach de na tionscadail a d'fhéadfadh leas a bhaint as tacaíocht;

- (d) tionscadail atá dírithe ar líonraí cnámh droma trasteorann a imlonnú agus a athneartú, líonraí a dhéanfaidh nasc idir an tAontas agus tríú tíortha agus a chuirfidh leis na naisc atá ann idir líonraí cumarsáide leictreonaí ar chríoch an Aontais, lena n-áirítear cáblaí faoi uisce, tabharfar tosaíocht do na tionscadail sin i gcomhréir leis an méid a chuireann siad le hathléimneacht agus toilleadh na líonraí cumarsáide leictreonaí ar chríoch an Aontais;
- (e) [...]
- (f) maidir le tionscadail lena ndéantar ardáin dhigiteacha oibríochtúla a imlonnú, tabharfar tosaíocht do na gníomhaíochtaí sin atá bunaithe ar theicneolaíochtaí úrscothacha, agus cuirfear san áireamh gnéithe amhail an idir-inoibritheacht, an chibearshlándáil, príobháideachas sonraí agus athúsáid sonraí;
- (g) an méid atá an teicneolaíocht atá á himlonnú in oiriúint do thionscadal sonrach, agus an chothromaíocht is fearr a mholadh idir teicneolaíochtaí úrscothacha ó thaobh acmhainn sreafa sonraí, slándáil tarchuir, athléimneacht líonraí agus éifeachtúlacht costais de.

CAIBIDIL II

INCHÁILITHEACHT

Airteagal 9

Gníomhaíochtaí incháilithe

1. Ní bheidh ach gníomhaíochtaí a chuireann le gnóthú na gcuspóirí dá dtagraítear in Airteagal 3 incháilithe chun cistiú a fháil. Ar na gníomhaíochtaí sin beidh, go háirithe, staidéir, oibreacha agus bearta tionlacain eile is gá chun an Clár agus na treoirlínte a bhaineann go sonrach le hearnáil ar leith a bhainistiú agus a chur chun feidhme.
2. In earnáil an iompair, beidh na gníomhaíochtaí seo a leanas incháilithe chun cúnamh airgeadais a fháil ón Aontas faoin Rialachán seo:
 - (a) Gníomhaíochtaí a bhaineann le gréasáin éifeachtúla, idirnasctha agus ilmhódacha chun bonneagar iarnróid, bóithre, uiscebhealaí intíre, agus muirí a fhorbairt:
 - (i) gníomhaíochtaí lena gcuirtear an croíghréasán chun feidhme i gcomhréir le Caibidil III de Rialachán (AE) Uimh. 1315/2013, lena n-áirítear gníomhaíochtaí a bhfuil baint acu le naisc trasteorann agus le naisc easnamhacha amhail iad sin a liostaítear i bPáirt III den Iarscríbhinn a ghabhann leis an Iarscríbhinn seo, mar aon le nóid uirbeacha, calafoirt mhuirí, calafoirt intíre agus críochfoirt iarnróid atá sa chroíghréasán a shainmhínítear in Iarscríbhinn II a ghabhann le Rialachán (AE) Uimh. 1315/2013. Ar na gníomhaíochtaí lena gcuirtear an croíghréasán chun feidhme, féadfar a áireamh eilimintí gaolmhara atá suite ar an ngréasán cuimsitheach nuair is gá sin chun an infheistíocht a bharrfheabhsú agus i gcomhréir leis na rialacha mionsonraithe a shonraítear sna cláir oibre dá dtagraítear in Airteagal 19 den Rialachán seo;

- (ii) gníomhaíochtaí a bhaineann le naisc trasteorann den ghréasán cuimsitheach i gcomhréir le Caibidil II de Rialachán (AE) Uimh. 1315/2013, amhail iad sin a liostaítear i bPáirt III den Iarscríbhinn a ghabhann leis an Rialachán seo, gníomhaíochtaí a bhaineann le comhpháirteanna den ghréasán cuimsitheach atá lonnaithe sna Ballstáit nach bhfuil teorainn talún acu le Ballstát eile, agus gníomhaíochtaí a bhaineann le staidéir chun an gréasán cuimsitheach a fhorbairt;
 - (iii) gníomhaíochtaí lena gcuirtear chun feidhme codanna den ghréasán cuimsitheach atá suite sna réigiúin is forimeallaí i gcomhréir le Caibidil II de Rialachán (AE) Uimh. 1315/2013, lena n-áirítear gníomhaíochtaí a bhfuil baint acu le nóid uirbeacha, calafoirt mhuirí, calafoirt intíre agus críochfoirt iarnróid atá sa ghréasán cuimsitheach a shainmhínítear in Iarscríbhinn II a ghabhann le Rialachán (AE) Uimh. 1315/2013;
 - (iv) gníomhaíochtaí a thacaíonn le tionscadail leasa choitinn d'fhonn an gréasán tras-Eorpach a nascadh le gréasáin bhonneagair i dtíortha comharsanacha mar a shainmhínítear in Airteagal 8(1) de Rialachán (AE) Uimh. 1315/2013;
 - (v) gníomhaíochtaí a bhaineann le calafoirt mhuirí agus le calafoirt intíre den ghréasán cuimsitheach i gcomhréir le Caibidil II de Rialachán (AE) Uimh. 1315/2013.
- (b) Gníomhaíochtaí a bhaineann le soghluaisteacht chliste, inbhuanaithe, chuimsitheach, shábháilte agus shlán:
- (i) gníomhaíochtaí a thacaíonn le mótarbhealaí na farraige i gcomhréir le hAirteagal 21 de Rialachán (AE) Uimh. 1315/2013;
 - (ii) gníomhaíochtaí a thacaíonn le córais feidhmchlár teileamaitice, i gcomhréir le hAirteagal 31 de Rialachán (AE) Uimh. 1315/2013, i gcás na modhanna iompair faoi seach, lena n-áirítear go háirithe:
 - i gcás iarnród: ERTMS;
 - i gcás uiscebhealaí intíre: RIS;
 - i gcás iompair de bhóthar: CCI;
 - i gcás muiriompair: VTMS agus ríomhsheirbhísí muirí, lena n-áirítear seirbhísí na fuinneoige aonair amhail an fhuinneog aonair mhuirí, córais chomhphobail chalafoirt agus córais ábhartha faisnéise custaim;

- i gcás aeriompair: córais um bainistiú aerthrachta, go háirithe na córais a thagann as córas SESAR;
- (iii) gníomhaíochtaí a thacaíonn le seirbhísí iompair lastais i gcomhréir le hAirteagal 32 de Rialachán (AE) Uimh. 1315/2013 agus gníomhaíochtaí chun torann lastais iarnróid a laghdú ag an bhfoinse, lena n-áirítear tríd an rothstoc atá ann cheana a iarfheistiú;
- (iv) gníomhaíochtaí a thacaíonn le teicneolaíochtaí nua agus le nuálaíocht, lena n-áirítear uathobriú, seirbhísí iompair feabhsaithe, comhtháthú módach agus bonneagar breoslaí malartacha, i gcomhréir le hAirteagal 33 de Rialachán (AE) Uimh. 1315/2013;
- (v) gníomhaíochtaí chun na bacainní ar idir-inoibritheacht a bhaint, go háirithe maidir le héifeachtaí conaire/gréasáin a bhaint amach, i gcomhréir le hAirteagal 3 (o) de Rialachán (AE) Uimh. 1315/2013;
- (vi) gníomhaíochtaí lena gcuirtear chun feidhme bonneagar sábháilte slán agus soghluaisteacht shábháilte shlán, lena n-áirítear sábháilteacht ar bhóithre, i gcomhréir le hAirteagal 34 de Rialachán (AE) Uimh. 1315/2013;
- (vii) gníomhaíochtaí lena bhfeabhsaítear an athléimneacht atá sa bhonneagar iompair, lena n-áirítear an t-athrú aeráide agus tubaistí nádúrtha;
- (viii) gníomhaíochtaí lena bhfeabhsaítear an rochtain atá ag gach úsáideoir ar an mbonneagar iompair i gcomhréir le hAirteagal 37 de Rialachán (AE) Uimh. 1315/2013;
- (ix) gníomhaíochtaí lena n-oiriúnaítear an bonneagar iompair chun críocha slándála agus chun críocha seiceálacha ag teorainneacha.
- (c) Faoin gcuspóir sonrach dá dtagraítear in Airteagal 3(2)(a)(ii): gníomhaíochtaí, nó bearta sonracha mar chuid de ghníomhaíocht, lena dtacaítear le bonneagar iompair dé-úsáide shibhialta/mhíleata a fhorbairt.

3. In earnáil an fhuinnimh, beidh na gníomhaíochtaí seo a leanas incháilithe chun cúnamh airgeadais a fháil ón Aontas faoin Rialachán seo:

- (a) gníomhaíochtaí a bhfuil baint acu le tionscadail leasa choitinn mar a leagtar amach in Airteagal 14 de Rialachán (AE) Uimh. 347/2013;
- (b) gníomhaíochtaí a thacaíonn le tionscadail trasteorann i réimse an fhuinnimh in-athnuaite lena n-áirítear réitigh nuálacha agus stóráil an fhuinnimh in-athnuaite, agus bunsmaoineamh an tionscadail, mar a shainmhínítear i gCuid IV den Iarscríbhinn a ghabhann leis an Rialachán seo, faoi réir chomhlíonadh na gcoinníollacha a leagtar síos in Airteagal 7 den Rialachán seo.

4. In earnáil na seirbhísí digiteacha, beidh na gníomhaíochtaí seo a leanas incháilithe chun cúnamh airgeadais a fháil ón Aontas faoin Rialachán seo:

- (a) gníomhaíochtaí lena dtacaítear le himlonnú líonraí an-ardtoillte agus chórais 5G agus le rochtain orthu ar féidir leo nascacht ghigighiotáin a sholáthar i gceantair ina bhfuil gníomhaithe socheacnamaíocha lonnaithe;
- (b) gníomhaíochtaí lena dtacaítear le nascacht áitiúil gan sreang ar an-ardcháilíocht a sholáthar i bpobail áitiúla saor in aisce gan coinníollacha idirdhealaitheacha;
- (c) gníomhaíochtaí lena gcuirtear chun feidhme cuimsiú gan bhriseadh de chórais 5G sna príomhchonairí iompair go léir, lena n-áirítear an gréasán tras-Eorpach iompair;
- (d) gníomhaíochtaí lena dtacaítear le himlonnú líonraí cnámh droma, lena n-áirítear cáblaí faoi uisce, laistigh de na Ballstáit agus eatarthu agus idir an tAontas agus tríú tíortha;
- (e) [...]
- (f) gníomhaíochtaí lena gcuirtear chun feidhme ceanglais maidir leis an mbonneagar nascachta digité a bhaineann le tionscadail trasteorann i réimsí an iompair nó an fhuinnimh agus/nó gníomhaíochtaí a thacaíonn le hardáin dhigiteacha oibríochtúla a bhfuil baint dhíreach acu le bonneagar iompair nó bonneagar fuinnimh.

I gCuid V den Iarscríbhinn tugtar liosta táscach de na tionscadail incháilithe in earnáil na seirbhísí digiteacha.

Airteagal 10

Sineirgíochtaí

1. Gníomhaíochtaí lena gcabhraítear le ceann amháin nó níos mó de na cuspóirí atá ag dhá earnáil ar a laghad dá bhforáiltear in Airteagal 3(2)(a), (b) agus (c) a ghnóthú, beidh na gníomhaíochtaí sin incháilithe chun cúnamh airgeadais a fháil ón Aontas faoin Rialachán seo. Cuirfear na gníomhaíochtaí sin chun feidhme trí chláir oibre shonracha thrasearnála ina dtabharfar aghaidh ar dhá earnáil ar a laghad, lena n-áirítear critéir dhámhachtana shonracha agus a mhaoineofar le ranníocaíochtaí buiséadacha as na hearnálacha lena mbaineann.
2. Laistigh d'earnáil an iompair, d'earnáil an fhuinnimh agus d'earnáil na seirbhísí digiteacha faoi seach, féadfar eilimintí coimhdeacha, nach bhféadfaidh baint a bheith acu leis na gníomhaíochtaí incháilithe dá bhforáiltear in Airteagal 9(2), (3) nó (4), a bheith sna gníomhaíochtaí incháilithe i gcomhréir le hAirteagal 9 ar an gcoinníoll go gcomhlíonann siad na ceanglais uile seo a leanas:
 - (a) nach bhfuil an costas a bhaineann leis na heilimintí coimhdeacha sin níos airde ná 20 % de chostais incháilithe iomlána an bhirt; agus
 - (b) go bhfuil baint ag na heilimintí coimhdeacha sin le hearnáil an iompair, earnáil an fhuinnimh nó earnáil na seirbhísí digiteacha; agus
 - (c) go bhfágann na heilimintí coimhdeacha sin gur féidir sochair shocheacnamaíocha, aeráide nó chomhshaoil an bhirt a fheabhsú go mór.

Airteagal 11

Eintitis incháilithe

1. Chomh maith leis na critéir a leagtar amach in Airteagal [197] den Rialachán Airgeadais, beidh feidhm ag na critéir incháilitheachta a leagtar amach san Airteagal seo.
2. Tá na heintitis seo a leanas incháilithe:
 - (a) eintitis dhlítheanacha atá bunaithe i mBallstát;
 - (b) eintitis dhlítheanacha atá bunaithe i dtríú tír atá comhlachaithe leis an gClár nó tíortha agus críocha thar lear;

- (c) eintitis dhlítheanacha a cruthaíodh faoi dhlí an Aontais agus eagraíochtaí idirnáisiúnta i gcás ina bhfuil foráil maidir leo sna cláir oibre.

3. Níl daoine nádúrtha incháilithe.
4. Tá eintitis dhlítheanacha atá bunaithe i dtríú tír nach bhfuil comhlachaithe leis an gClár incháilithe, go heisceachtúil, chun tacaíocht a fháil faoin gClár i gcás inar gá sin chun cuspóirí tionscadail leasa choitinn ar leith, nó tionscadail trasteorann i réimse an fhuinnimh in-athnuaite, a ghnóthú.
5. Ní bheidh incháilithe ach tograí arna gcur isteach ag Ballstát amháin nó níos mó nó, le comhaontú na mBallstát lena mbaineann, tograí arna gcur isteach ag eagraíochtaí idirnáisiúnta, ag gnóthais chomhpháirteacha, nó ag gnóthais phoiblí nó phríobháideacha nó comhlachtaí poiblí nó príobháideacha. Féadfaidh Ballstát a chinneadh gur féidir, i dtaca le clár oibre sonrach nó catagóirí sonracha feidhmeanna, tograí a chur isteach gan comhaontú uaidh. Sa chás sin, arna iarraidh sin don Bhallstát lena mbaineann, luaitear sin sa chlár oibre ábhartha agus sa ghlaó ar thograí den sórt sin.

Airteagal 11a

Ceanglais incháilitheachta shonracha a bhaineann le tacaíocht do bhonneagar iompair dé-úsáide shibhialta/mhíleata

1. Beidh na gníomhaíochtaí a bhaineann le bonneagar iompair dé-úsáide shibhialta/mhíleata dá dtagraítear in Airteagal 9, mír 2(c) faoi réir na gceanglas incháilitheachta breise seo a leanas:
- (a) Is é Ballstát amháin nó níos mó acu a chuirfidh na tograí isteach nó, le comhaontú ó na Ballstáit lena mbaineann, eintitis dhlítheanacha atá bunaithe sna Ballstáit;
- (b) beidh na gníomhaíochtaí lonnaithe ar chroíghréasán TEN-T nó ar ghréasán cuimsitheach TEN-T agus beidh siad ar aon dul leis na ranna nó na nóid arna sainaithint ag Ballstáit sna hIarscríbhinní a ghabhann leis na Ceanglais Mhíleata maidir leis an tSoghluaisteacht Mhíleata laistigh agus lasmuigh den Aontas mar a ghlac an Chomhairle iad ar an 20 Samhain 2018³⁰;

³⁰ 13674/18

- (c) d'fhéadfadh sé go mbainfeadh na gníomhaíochtaí le comhpháirteanna bonneagair atá ann cheana a uasghrádú nó le comhpháirteanna nua bonneagair a thógáil d'fhonn an tsoghluaisteacht mhíleata ar ghréasán TEN-T a fheabhsú agus na ceanglais bhonneagair a shainítear sna hIarscríbhinní a ghabhann leis na Ceanglais Mhíleata maidir leis an tSoghluaisteacht Mhíleata laistigh agus lasmuigh den Aontas, an indéantacht theicniúil agus eacnamaíoch agus deis na dé-úsáide á gcur san áireamh;
- (d) gan dochar d'Airteagal 15, tá costas iomlán bonneagair dé-úsáide incháilithe do thacaíocht i dtaca leis an méid a shainítear in Airteagal 4, mír 2 (a) (iii).
Gníomhaíochtaí lena gcuirtear chun feidhme leibhéal ceanglais bonneagair a théann thar an leibhéal is gá le haghaidh dé-úsáide, tá siad incháilithe; mar sin féin, ní bheidh a gcostas incháilithe ach suas go dtí leibhéal na gcostas a chomhfhreagraíonn do leibhéal na gceanglas is gá le haghaidh dé-úsáide. Gníomhaíochtaí a bhaineann le bonneagar nach n-úsáidtear ach chun críocha míleatacha, ní bheidh siad incháilithe.
- (e) Ní dhéanfar cistiú le haghaidh gníomhaíochtaí faoin airteagal seo ach ón méid i gcomhréir le hAirteagal 4, mír 2 (a) (iii).
2. Glacfaidh an Coimisiún gníomh cur chun feidhme lena saineofar, i gcás inar gá, na ceanglais bhonneagair is infheidhme maidir le catagóirí áirithe gníomhaíochtaí bonneagair dé-úsáide.

CAIBIDIL III

DEONTAIS

Airteagal 12

Deontais

Déanfar na deontais faoin gClár a dhámhachtain agus a bhainistiú i gcomhréir le Teideal [VIII] den Rialachán Airgeadais.

Airteagal 13

Critéir dhámhachtana

1. Déanfar na critéir dhámhachtana thrédhearcacha a shainiú sna cláir oibre dá dtagraítear in Airteagal 19 agus sna glaonna ar thograí agus cuirfear san áireamh, a mhéid is infheidhme, na heilimintí seo a leanas:
 - (a) an tionchar eacnamaíoch, sóisialta agus comhshaoil (sochair agus costais);
 - (b) gnéithe nuálaíochta, sábháilteachta, idir-inoibritheachta agus inrochtaineachta;
 - (c) an ghné thrasteorann;
 - (d) sineirgíochtaí idir earnáil an iompair, earnáil an fhuinnimh agus earnáil na seirbhísí digiteacha;
 - (e) aibíocht an bhirt maidir le forbairt an tionscadail;
 - (f) a fhónta a bheidh an plan cur chun feidhme a bheartaítear;
 - (g) an éifeacht chatalaíoch a bheidh ag an gcúnamh airgeadais ón Aontas ar infheistíochtaí;
 - (h) an gá le constaicí airgeadais a shárú, amhail easpa inmharthanachta ó thaobh na tráchtála de nó easpa maoinithe don mhargadh;

- (i) comhsheasmhacht le pleananna fuinnimh agus aeráide náisiúnta agus an Aontais.
2. Agus na tograí á meas de réir na gcritéar dámhachtana, cuirfear san áireamh, i gcás inarb ábhartha, an tseasmhacht atá iontu i gcoinne thionchair dhíobhálacha an athraithe aeráide trí mheasúnú a dhéanamh ar laigí agus ar rioscaí aeráide, lena n-áirítear na gníomhaíochtaí ábhartha oiriúnúcháin.
 3. Leis an measúnú ar na tograí de réir na gcritéar dámhachtana, áiritheofar, i gcás inarb ábhartha, mar a shonraítear sna cláir oibre, go bhfuil na gníomhaíochtaí a fhaigheann tacaíocht ón gClár agus ina gcuimsítear teicneolaíocht suite, loingseoireachta agus uainiúcháin (PNT) comhoiriúnach ar bhonn teicniúil do EGNOS/Galileo agus Copernicus.
 4. In earnáil an iompair, áiritheofar leis an measúnú ar na tograí de réir na gcritéar dámhachtana dá dtagraítear i mír 1, i gcás inarb infheidhme, go mbeidh na gníomhaíochtaí atá beartaithe, go mbeidh siad i gcomhréir le pleananna oibre na gconairí agus leis na gníomhartha cur chun feidhme de bhun Airteagal 47 de Rialachán (AE) Uimh. 1315/2013 agus cuirfear san áireamh sa mheasúnú sin tuairim chomhairleach an Chomhordaitheora Eorpaigh atá freagrach as na conairí de bhun Airteagal 45(8) de.
 5. Maidir le gníomhaíochtaí a bhaineann le tionscadail trasteorann i réimse an fhuinnimh in-athnuaite, cuirfear na coinníollacha a leagtar síos i mír 4 d'Airteagal 7 san áireamh sna critéir dhámhachtana a shainítear sna cláir oibre agus sna glaonna ar thograí.
 6. Maidir le gníomhaíochtaí a bhaineann le tionscadail leasa choitinn i réimse na nascachta digití, cuirfear na coinníollacha a leagtar síos i mír 3 d'Airteagal 8 san áireamh sna critéir dhámhachtana a shainítear sna cláir oibre agus sna glaonna ar thograí.

Airteagal 14

Rátaí cómhaoinithe

1. Maidir leis na staidéir, ní bheidh méid na cabhrach airgeadais ón Aontas níos airde ná 50 % den chostas incháilithe iomlán. Maidir le staidéir a mhaoinitear leis na méideanna a aistrítear as an gCiste Comhtháthaithe, is iad na rátaí cómhaoinithe is infheidhme maidir leis an gCiste Comhtháthaithe mar a shonraítear i mír 2(b) na rátaí cómhaoinithe uasta.

2. Maidir le hoibreacha in earnáil an iompair, beidh feidhm ag na rátaí cómhaoinithe uasta seo a leanas:
- (a) maidir le hoibreacha a bhfuil baint acu leis na cuspóirí sonracha dá dtagraítear in Airteagal 3(2)(a) (i), ní bheidh méid an chúnaimh airgeadais ón Aontas níos airde ná 30 % den chostas incháilithe iomlán. Féadfar na rátaí cómhaoinithe a ardú go 50 %, ar a mhéid, i gcás gníomhaíochtaí a bhfuil baint acu le naisc thrasteorann faoi na coinníollacha a shonraítear i bpointe (c) den mhír seo, i gcás gníomhaíochtaí a thacaíonn le córais feidhmchlár teileamaitice, i gcás gníomhaíochtaí a thacaíonn le teicneolaíochtaí nua agus nuálaíocht, i gcás gníomhaíochtaí a thacaíonn le feabhas a chur ar an mbonneagar chun críocha sábháilteachta, slándála agus seiceálacha teorann, i gcomhréir le reachtaíocht ábhartha an Aontais agus i gcás gníomhaíochtaí a dhéantar sna réigiúin is forimeallaí;
 - (aa) maidir le hoibreacha a bhfuil baint acu leis na cuspóirí sonracha dá dtagraítear in Airteagal 3 (2) (a) (ii), ní bheidh méid an chúnaimh airgeadais ón Aontas níos airde ná 50 % den chostas incháilithe iomlán. Féadfar na rátaí cómhaoinithe a mhéadú go 85% ar a mhéad má aistrítear na hacmhainní is gá chuig an gClár de bhun mhír 9 d'Airteagal 4.
 - (b) maidir leis na méideanna a aistrítear as an gCiste Comhtháthaithe, is iad na rátaí cómhaoinithe is infheidhme maidir leis an gCiste Comhtháthaithe mar a thagraítear dóibh i Rialachán (AE) XXX [Rialachán na bhForálacha Coiteanna] na rátaí cómhaoinithe uasta. Féadfar na rátaí cómhaoinithe sin a ardú go 85 %, ar a mhéid, i gcás gníomhaíochtaí a bhfuil baint acu le naisc thrasteorann faoi na coinníollacha a shonraítear i bpointe (c) den mhír seo agus le gníomhaíochtaí a bhaineann le naisc atá in easnamh;
 - (c) i gcás gníomhaíochtaí a bhfuil baint acu le naisc thrasteorann, ní bheidh feidhm ag na rátaí cómhaoinithe uasta méadaithe dá bhforáiltear i bpointe (a) agus i bpointe (b) ach maidir le gníomhaíochtaí a léiríonn leibhéal comhtháthaithe ard maidir le pleanáil agus cur chun feidhme an bhirt chun críche an chritéir dámhachtana dá dtagraítear in Airteagal 13(1)(c), mar shampla trí chuideachta tionscadail amháin, struchtúr rialachais comhpháirteach amháin , agus creat dlíthiúil déthaobhach amháin a bhunú nó gníomh cur chun feidhme a ghlacadh de bhun Airteagal 47 de Rialachán (AE) Uimh. 1315/2013.

3. Maidir le hoibreacha in earnáil an fhuinnimh, beidh feidhm ag na rátaí cómhaoinithe uasta seo a leanas:
- (a) maidir le hoibreacha a bhfuil baint acu leis na cuspóirí sonracha dá dtagraítear in Airteagal 3(2)(b), ní bheidh méid an chúnaimh airgeadais ón Aontas níos airde ná 50 % den chostas incháilithe iomlán;
 - (b) féadfar rátaí cómhaoinithe a ardú go 75 %, ar a mhéid, i gcás gníomhaíochtaí a chabhraíonn le tionscadail leasa choitinn a fhorbairt, ar tionscadail iad, bunaithe ar an bhfianaise dá dtagraítear in Airteagal 14(2) de Rialachán (AE) Uimh. 347/2013, a thugann leibhéal ard slándála soláthair réigiúnaigh nó leibhéal ard slándála soláthair ar fud an Aontais, agus a neartaíonn dlúthpháirtíocht an Aontais nó a bhfuil réitigh atá thar a bheith nuálach iontu.
4. Maidir le hoibreacha san earnáil dhigiteach, beidh feidhm ag na rátaí cómhaoinithe uasta seo a leanas: i gcás oibreacha a bhfuil baint acu leis na cuspóirí sonracha dá dtagraítear in Airteagal 3(2)(c), ní bheidh méid an chúnaimh airgeadais ón Aontas níos airde ná 30 % den chostas incháilithe iomlán. Féadfar na rátaí cómhaoinithe a ardú go 50 %, ar a mhéid, i gcás gníomhaíochtaí a bhfuil gné shuntasach thrasteorann iontu, amhail cuimsiú gan bhriseadh de chórais 5G feadh príomhchonairí iompair nó líonraí cnámh droma a imlonnú idir Ballstáit agus idir an tAontas agus tríú tíortha, agus go 75 % i gcás gníomhaíochtaí lena gcuirtear nascacht ghigighiotáin gníomhaithe socheacnamaíocha chun feidhme. Déanfar gníomhaíochtaí chun nascacht áitiúil gan sreang a sholáthar i bpobail áitiúla, i gcás ina gcuirtear i bhfeidhm iad trí dheontais ar luach íseal a mhaoiniú le cúnamh airgeadais ón Aontas a chumhdóidh suas le 100 % de na costais incháilithe, gan dochar do phrionsabal an chómhaoinithe.
5. Is é a bheidh sa ráta cómhaoinithe uasta is infheidhme maidir le gníomhaíochtaí a roghnaítear faoi chlár oibre thrasearnála dá dtagraítear in Airteagal 10 an ráta cómhaoinithe uasta is airde is infheidhme maidir leis na hearnálacha lena mbaineann.

Airteagal 15
Costais incháilithe

Chomh maith leis na critéir a leagtar amach in Airteagal [186] den Rialachán Airgeadais, beidh feidhm ag na critéir incháilitheachta seo a leanas maidir le costas:

- (a) caiteachas a thabhfófar i mBallstáit an t-aon chaiteachas a bheith incháilithe, ach amháin i gcás ina mbeidh críoch tríú tír amháin nó níos mó dá dtagraítear in Airteagal 5 nó i mír 4 d'Airteagal 11 den Rialachán seo nó uiscí idirnáisiúnta i gceist leis an tionscadal leasa choitinn nó na tionscadail trasteorann i réimse an fhuinnimh in-athnuaite agus i gcás inar gá an ghníomhaíocht sin chun cuspóirí an tionscadail lena mbaineann a ghnóthú;
- (b) féadfaidh costas trealaimh, saoráidí agus bonneagair a gcaitear leis mar chaiteachas caipitil de chuid an tairbhí a bheith incháilithe ina iomláine;
- (c) ní bheidh caiteachas a bhaineann le talamh a cheannach ina chostas incháilithe, ach amháin i gcás cistí a aistreofar ón gCiste Comhtháthaithe san earnáil iompair i gcomhréir le hAirteagal 58 de Rialachán (AE) XXX lena leagtar síos forálacha coiteanna maidir le Ciste Forbraíochta Réigiúnaí na hEorpa, Ciste Sóisialta na hEorpa Plus, an Ciste Comhtháthaithe agus an Ciste Eorpach Muirí agus Iascaigh agus rialacha airgeadais maidir leis na cistí sin agus maidir leis an gCiste Tearmainn agus Imirce, an Ciste Slándála Inmheánaí agus an Ionstraim Bainistithe Teorainneacha agus um Víosáí;
- (d) ní áireofar cáin bhreisluacha (CBL) sna costais incháilithe.

Airteagal 16

Comhcheangal de dheontais agus d'fhoinsí eile maoinithe

1. Féadfar deontais a úsáid i gcomhcheangal le maoiniú ón mBanc Eorpach Infheistíochta, ó bhainc náisiúnta le haghaidh spreagtha, ó institiúidí airgeadais forbartha agus poiblí eile, ó institiúidí airgeadais san earnáil phríobháideach agus ó infheisteoirí san earnáil phríobháideach, lena n-áirítear Comhpháirtíochtaí Príobháideacha Poiblí.
2. Féadfar úsáid na ndeontas dá dtagraítear i mír 1 a chur chun feidhme trí ghlaonna ar leith ar thograí.

Airteagal 17

Na deontais a laghdú nó a fhoirceannadh

1. De bhreis ar na forais a shonraítear i [mír 4 d'Airteagal 131] den Rialachán Airgeadais, féadfar méid an deontais a laghdú ar na forais seo a leanas:
 - (a) níor tosaíodh an ghníomhaíocht laistigh de bhliain amháin tar éis an dáta tosaigh a shonraítear sa chomhaontú deontais;
 - (b) tar éis athbhreithniú a dhéanamh ar dhul chun cinn na gníomhaíochta, suitear go raibh moill chomh mór sin ar chur chun feidhme na gníomhaíochta gur dóigh nach ngnóthófar a cuspóirí;
2. Féadfar an comhaontú deontais a leasú nó a fhoirceannadh ar bhonn na bhforas a shonraítear i mír 1.
3. Sula ndéanfar aon chinneadh maidir le deontas a laghdú nó a fhoirceannadh, déanfar an cás a scrúdú ar bhealach cuimsitheach agus tabharfar an deis do na tairbhithe lena mbaineann a mbarúlacha a chur in iúl laistigh de thréimhse réasúnach.

Airteagal 18

Cistiú carnach, comhlántach agus comhcheangailte

1. Gníomhaíocht ar tugadh ranníocaíocht di faoin gClár, féadfar ranníocaíocht a thabhairt di freisin as aon chlár eile de chuid an Aontais, lena n-áirítear Cistí faoi bhainistíocht chomhroinnte, ar choinníoll nach gcumhdaíonn na ranníocaíochtaí sin na costais chéanna. Beidh feidhm ag na rialacha maidir le gach clár ranníocaíochta faoi leith de chuid an Aontais maidir leis an ranníocaíocht chomhfhreagrach leis an ngníomhaíocht. Ní bheidh an cistiú carnach níos airde ná na costais incháilithe iomlána a bhaineann leis an ngníomhaíocht agus féadfar an tacaíocht as na cláir éagsúla de chuid an Aontais a ríomh ar bhonn *pro rata* i gcomhréir leis na doiciméid ina leagtar amach na coinníollacha maidir le tacaíocht.

2. Na gníomhaíochtaí a chomhlíonann na coinníollacha carnacha comparáideacha:

- (a) rinneadh measúnú orthu i nglao ar thograí faoin gClár;
- (b) comhlíonann siad íoscheanglais cháilíochta an ghlaio sin ar thograí;
- (c) ní fhéadfar iad a mhaoiniú faoin nglao sin ar thograí i ngeall ar shrianta buiséadacha;

Féadfaidh siad tacaíocht a fháil ó Chiste Forbraíochta Réigiúnaí na hEorpa nó ón gCiste Comhtháthaithe i gcomhréir le [mír 5 d'Airteagal 67] de Rialachán (AE) XXX [Rialachán na bhForálacha Coiteanna], ar choinníoll go bhfuil na gníomhaíochtaí sin comhleanúnach le cuspóir an chláir lena mbaineann. Beidh feidhm ag rialacha an Chiste lena gcuirtear tacaíocht ar fáil.

CAIBIDIL IV CAIBIDIL V - CLÁREAGRÚ, FAIREACHÁN, MEASTÓIREACHT AGUS RIALÚ

Airteagal 19

Cláir oibre

1. Is leis na cláir oibre dá dtagraítear in Airteagal 110 den Rialachán Airgeadais a chuirfear an Clár chun feidhme.
2. Déanfaidh an Coimisiún na cláir oibre a ghlacadh trí bhíthin gníomh cur chun feidhme. Déanfar na gníomhartha cur chun feidhme sin a ghlacadh i gcomhréir leis an nós imeachta scrúdúcháin dá dtagraítear in Airteagal 22 den Rialachán seo. I gcás nach dtugann an coiste aon tuairim, ní dhéanfaidh an Coimisiún an dréachtghníomh cur chun feidhme a ghlacadh agus beidh feidhm ag an tríú fomhír d'Airteagal 5(4) de Rialachán (AE) Uimh. 182/2011.
3. In earnáil an fhuinnimh, ní mór aird ar leith a thabhairt ar thionscail leasa choitinn agus ar ghníomhaíochtaí gaolmhara darb aidhm an margadh inmheánach fuinnimh a chomhtháthú a thuilleadh, agus deireadh a chur le leithlisiú fuinnimh agus scrogaill idirnáisc leictreachais a dhíothú agus béim ar na tionscadail sin lena gcuirtear le gnóthú na sprice idirnáisc de 10%, ar a laghad, agus ar na tionscadail lena gcuirtear le sioncronú na gcóras leictreachais le líonaí an Aontais.

Airteagal 19a

Cabhair airgeadais á deonú ag an Aontas

1. Tar éis gach glao ar thograí bunaithe ar an gclár oibre dá dtagraítear in Airteagal 19, cinnfidh an Coimisiún, ag gníomhú dó i gcomhréir leis an nós imeachta dá dtagraítear in Airteagal 22, méid na cabhrach airgeadais a dheonófar le haghaidh na dtionscadal nó na gcodanna de thionscadail a roghnófar. Sonróidh an Coimisiún na coinníollacha faoina ndéanfar iad a chur chun feidhme agus na modhanna trína ndéanfar iad a chur chun feidhme.

2. Cuirfidh an Coimisiún na tairbhíthe agus na Ballstáit lena mbaineann ar an eolas maidir le haon chabhair airgeadais a bheidh le deonú. Áirítear air sin athruithe a dhéantar ar mhéideanna deontais le linn chur chun feidhme na gcomhaontuithe deontais agus na méideanna deiridh a íoctar.
3. Maidir le gníomhaíochtaí atá lonnaithe ar a chríocha, tabharfaidh an Coimisiún rochtain do na Ballstáit ar na tuarascálacha a chuireann na tairbhíthe isteach, mar a shainítear sna comhaontuithe deontais faoi seach.

Airteagal 20
Faireachán agus tuairisciú

1. Leagtar amach i gCuid I den Iarscríbhinn na táscairí a úsáidfear le tuairisciú a dhéanamh ar dhul chun cinn an Chláir maidir le gnóthú na gcuspóirí ginearálta agus sonracha a leagtar amach in Airteagal 3.
2. Chun a áirithiú go ndéanfar dul chun cinn an Chláir maidir le gnóthú a chuspóirí a mheas go héifeachtach, tabharfar de chumhacht don Choimisiún gníomhartha tarmligthe a ghlacadh, i gcomhréir le hAirteagal 24, chun Cuid I den Iarscríbhinn a leasú chun na táscairí a athbhreithniú nó a fhorlíonadh i gcás ina measfar gur gá, agus chun an Rialachán seo a fhorlíonadh le forálacha maidir le creat faireacháin agus meastóireachta a bhunú.
3. Leis an gcóras tuairiscithe feidhmíochta, áiríteofar go ndéanfar na sonraí is gá chun faireachán a dhéanamh ar chur chun feidhme, agus torthaí an Chláir, a bhailiú ar dhóigh atá éifeachtúil, éifeachtach agus tráthúil. Chuige sin, déanfar ceanglais chomhréireacha tuairiscithe a fhorchur ar fhaighteoirí cistí de chuid an Aontais agus, i gcás inarb ábhartha, ar Bhallstáit.

Airteagal 21
Meastóireacht

1. Déanfar meastóireachtaí go tráthúil sa dóigh agus go bhféadfar leas a bhaint astu sa phróiseas cinnteoireachta.
2. Déanfar meastóireacht eatramhach ar an gClár nuair a bheidh faisnéis leordhóthanach ar fáil maidir le cur chun feidhme an Chláir, ach tráth nach déanaí ná ceithre bliana ó thosach chur chun feidhme an Chláir.

3. I ndeireadh chur chun feidhme an Chláir, ach tráth nach déanaí ná ceithre bliana tar éis dheireadh na tréimhse a shonraítear in Airteagal 1, déanfaidh an Coimisiún meastóireacht deiridh ar an gClár.
4. Cuirfidh an Coimisiún torthaí na meastóireachtaí chomh maith lena bharúlacha féin in iúl do Pharlaimint na hEorpa, don Chomhairle, do Choiste Eacnamaíoch agus Sóisialta na hEorpa agus do Choiste na Réigiún.

Airteagal 22

Nós imeachta coiste

1. Tabharfaidh Coiste Comhordúcháin SCE cúnamh don Choimisiún, agus tiocfaidh sé le chéile i bhfoirmíochtaí éagsúla ag brath ar an topaic. Coiste de réir bhrí Rialachán (AE) Uimh. 182/2011 a bheidh sa Choiste sin.
2. I gcás ina ndéanfar tagairt don mhír seo, beidh feidhm ag Airteagal 5 de Rialachán (AE) Uimh. 182/2011.

Airteagal 23

Gníomhartha Tarmligthe

1. Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 24 den Rialachán seo:
 - (a) chun creat faireacháin agus meastóireachta a bhunú bunaithe ar na táscairí a leagtar amach i gCuid I den Iarscríbhinn;
 - (b) [...]
 - (c) [...]
 - (d) chun Cuid IV den Iarscríbhinn a fhorlíonadh maidir le tionscadail trasteorann i réimse an fhuinnimh in-athnuaite a shainaithint; liosta de na tionscadail trasteorann a roghnaíodh i réimse an fhuinnimh in-athnuaite a bhunú agus a nuashonrú.

2. Faoi réir an dara mír d'Airteagal 172 CFAE, tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 24 den Rialachán seo:
- (c) chun Cuid III den Iarscríbhinn a leasú maidir leis an sainmhíniú ar chonairí an chroíghréasáin iompair; agus codanna réamhshainithe ar an ngréasán cuimsitheach;
- (e) chun Cuid V den Iarscríbhinn a leasú maidir le tionscadail leasa choitinn i réimse na nascachta digití a shainaithint.

Airteagal 24

An tarmligean a fheidhmiú

1. Is faoi réir na gcoinníollacha a leagtar síos san Airteagal seo a thugtar de chumhacht don Choimisiún gníomhartha tarmligthe a ghlacadh.
2. Déanfar an chumhacht chun gníomhartha tarmligthe a ghlacadh dá dtagraítear in Airteagal 23 a thabhairt don Choimisiún go dtí an 31 Nollaig 2028.
3. Féadfaidh Parlaimint na hEorpa nó an Chomhairle tarmligean na cumhachta dá dtagraítear in Airteagal 23 a chúlghairm aon tráth. Má dhéantar cinneadh cúlghairm a dhéanamh, cuirfear deireadh le tarmligean na cumhachta atá sonraithe sa chinneadh sin. Gabhfaidh éifeacht leis an lá tar éis fhoilsiú an chinnidh in *Iris Oifigiúil an Aontais Eorpaigh* nó ar dháta is déanaí a shonrófar ann. Ní dhéanfaidh sé difear do bhailíocht aon ghníomhartha tarmligthe atá i bhfeidhm cheana.
4. Roimh dó gníomh tarmligthe a ghlacadh, rachaidh an Coimisiún i mbun comhairliúcháin le saineolaithe arna n-ainmniú ag gach Ballstát i gcomhréir leis na prionsabail a leagtar síos i gComhaontú Idirinstitiúideach an 13 Aibreán 2016 maidir le Reachtóireacht Níos Fearr.
5. A luaithe a ghlacfaidh sé gníomh tarmligthe, tabharfaidh an Coimisiún fógra ina thaobh sin do Pharlaimint na hEorpa agus don Chomhairle an tráth céanna.

6. Tiocfaidh gníomh tarmhligthe a ghlahtar de bhun Airteagal 23 i bhfeidhm mura mbeidh aon agóid curtha in iúl ag Parlaimint na hEorpa ná ag an gComhairle laistigh de thréimhse dhá mhí tar éis fógra faoin ngníomh sin a thabhairt do Pharlaimint na hEorpa agus don Chomhairle nó más rud é, roimh dhul in éag na tréimhse sin, go mbeidh Parlaimint na hEorpa agus an Chomhairle araon tar éis a chur in iúl don Choimisiún nach ndéanfaidh siad aon agóid. Cuirfear síneadh dhá mhí leis an tréimhse sin ar thionscnamh Pharlaimint na hEorpa nó na Comhairle.

Airteagal 25

Faisnéis, cumarsáid agus poiblíocht

1. Tabharfaidh faighteoirí cistithe ón Aontas aitheantas d'fhoinsé an chistithe ón Aontas agus áiritheoidh siad infheictheacht an chistithe (go háirithe nuair a bhíonn na gníomhaíochtaí agus a dtorthaí á bpoibliú) trí fhaisnéis spriocdhírithe atá comhleanúnach, éifeachtach agus comhréireach a sholáthar do shainghrúpaí éagsúla, lena n-áirítear na meáin agus an pobal.
2. Déanfaidh an Coimisiún gníomhaíochtaí faisnéise agus cumarsáide a bhaineann leis an gClár, agus le gníomhaíochtaí agus torthaí an Chláir, a chur chun feidhme. Leis na hacmhainní airgeadais arna leithdháileadh ar an gClár, rannchuideofar freisin leis an gcumarsáid chorparáideach a dhéantar ar thosaíochtaí polaitiúla an Aontais, a fhad a bhaineann siad sin leis na cuspóirí dá dtagraítear in Airteagal 3.

Airteagal 26

Leasanna airgeadais an Aontais a chosaint

I gcás ina mbeidh tríú tír rannpháirteach sa Chlár de thoradh cinneadh faoi chomhaontú idirnáisiúnta nó de bhua aon ionstraime dlí eile, tabharfaidh an tríú tír na cearta agus an rochtain is gá don oifigeach údarúcháin atá freagrach, don Oifig Eorpach Frith-Chalaoise (OLAF) agus do Chúirt Iniúcháirí na hEorpa chun go bhféadfaidh gach ceann díobh a gcuid inniúlachtaí féin a fheidhmiú ar dhóigh chuimsitheach. I gcás OLAF, beidh an ceart iniúchtaí a dhéanamh, seiceálacha agus cigireachtaí ar an láthair san áireamh, ar na cearta sin, rud dá bhforáiltear le Rialachán (AE, Euratom) Uimh. 883/2013 ó Pharlaimint na hEorpa agus ón gComhairle maidir le hiniúchtaí arna ndéanamh ag an Oifig Eorpach Frith-Chalaoise (OLAF).

CAIBIDIL VI

FORÁLACHA IDIRTHRÉIMHSEACHA AGUS CRÍOCHNAITHEACHA

Airteagal 27

Aisghairm agus forálacha idirthréimhseacha

1. Déanfar Rialachán (AE) Uimh. 1316/2013 agus Rialachán (AE) Uimh. 283/2013 a aisghairm.
2. Gan dochar do mhír 1, ní dhéanfaidh an Rialachán seo difear do leanúnachas ná do mhodhnú na gníomhaíochtaí lena mbaineann, go dtí go gcuirfear clabhsúr orthu, faoi Rialachán (AE) Uimh. 1316/2013, agus beidh feidhm aige maidir leis na gníomhaíochtaí lena mbaineann go dtí go gcuirfear clabhsúr orthu.
3. Ina theannta sin, féadfaidh imchlúdach airgeadais an Chláir na speansais is gá maidir leis an gcúnamh teicniúil agus riaracháin a chumhdach chun an t-aistriú idir an Clár agus na gníomhaíochtaí a glacadh faoi réamhtheachtaí an Chláir, an tSaoráid um Chónascadh na hEorpa faoi Rialachán (AE) Uimh. 1316/2013, a áirithiú.
4. Más gá, féadfar leithreasuithe a iontráil sa bhuiséad tar éis 2027 chun na speansais dá bhforáiltear in Airteagal 4(5) den Rialachán seo a chumhdach, ionas go mbeifear in ann na gníomhaíochtaí nach mbeidh curtha i gcrích faoin 31 Nollaig 2027 a bhainistiú.

Airteagal 28

Teacht i bhfeidhm

Tiocfaidh an Rialachán seo i bhfeidhm ar an lá tar éis lá a fhoilsithe in *Iris Oifigiúil an Aontais Eorpaigh*.

Beidh feidhm aige ón 1 Eanáir 2021.

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

Arna dhéanamh sa Bhruiséil,

Thar ceann Pharlaimint na hEorpa
An tUachtarán

Thar ceann na Comhairle
An tUachtarán

IARSCRÍBHINN A GHABHANN LEIS AN IARSCRÍBHINN

CUID I – TÁSCAIRÍ

Déanfar dlúthfhaireachán ar an gClár ar bhonn sraith táscairí lena bhfuil sé beartaithe tomhas a dhéanamh ar a mhéid atá cuspóirí ginearálta agus sonracha an Chláir bainte amach agus d'fhonn na hualaí agus na costais riaracháin a íoslaghdú. Chuige sin, baileofar sonraí maidir leis na príomhtháscairí seo a leanas:

Earnálacha	Cuspóirí Sonracha	Táscairí
Iompar	Líonraí agus bonneagar atá éifeachtúil agus idirnasctha ar mhaithe le soghluaisteacht chliste, inbhuanaithe, chuimsitheach, shábháilte agus shlán	Líon na nasc trasteorann agus na nasc atá in easnamh ar tugadh aghaidh orthu le tacaíocht ó SCE (lena n-áirítear gníomhaíochtaí a bhaineann le nóid uirbeacha, calafoirt mhuirí, calafoirt intíre agus críochfoirt iarnróid atá ar chroíghréasán TEN-T)
		Líon na ngníomhaíochtaí a fhaigheann tacaíocht ó SCE agus a rannchuidíonn le digitíú an iompair, go háirithe trí ERTMS, RIS, ITS, VTMS/ríomhsheirbhísí muirí agus SESAR a imlonnú
		Líon na bpointí soláthair breoslaí malartacha a tógadh nó a ndearnadh uasghrádú orthu le tacaíocht ó SCE
		Líon na ngníomhaíochtaí a fhaigheann tacaíocht ó SCE agus a rannchuidíonn le sábháilteacht an iompair
	Bonneagar iompair dé-úsáide shibhialta/mhíleata a fhorbairt	Líon na gcomhpháirteanna bonneagair iompair a cuireadh in oiriúint chun freastal ar cheanglais dé-úsáide shibhialta/mhíleata

Fuinneamh	Rannchuidiú le hidirnasacht agus le comhtháthú margaí	Líon ghníomhaíochtaí SCE a rannchuidíonn le tionscadail trína ndéantar nascadh idir líonraí na mBallstát agus a chuireann deireadh le baic inmheánacha
	Slándáil an tsoláthair fuinnimh	Líon ghníomhaíochtaí SCE a rannchuidíonn le tionscadail lena n-áirithítear go bhfuil líonraí gáis athléimneach ann
		Líon ghníomhaíochtaí SCE a rannchuidíonn le heangacha a dhéanamh cliste agus a dhigitiú, agus cur leis an toilleadh stórála fuinnimh
	Forbairt inbhuanaithe tríd an dícharbónú a chumasú	Líon ghníomhaíochtaí SCE a rannchuidíonn le tionscadail a fhágann go bhfuil fuinneamh in-athnuaite ag dul níos mó i bhfód ar na córais fuinnimh
		Líon ghníomhaíochtaí SCE a rannchuidíonn le comhar trasteorann i réimse na bhfoinsí in-athnuaite fuinnimh
	Seirbhísí digiteacha	Naisc nua le líonraí an-ardtoillte i gcomhair gníomhaithe socheacnamaíocha agus naisc idirlín an-ardcháilíochta i gcomhair pobail áitiúla
		Líon ghníomhaíochtaí SCE lena gcumasaítear nascacht 5G feadh bealaí iompair
		Líon ghníomhaíochtaí SCE lena gcumasaítear naisc nua le líonraí an-ardtoillte
		Líon ghníomhaíochtaí SCE a rannchuidíonn le digitiú na hearnála fuinnimh agus na hearnála iompair

CUID II: CÉATADÁIN THÁSCACHA DON EARNÁIL IOMPAIR

Déanfar na hacmhainní buiséadacha dá dtagraítear in Airteagal 4, mír 2 (a)(i) a dháileadh ar na cuspóirí sonracha mar a leanas:

60 % i gcomhair na ngníomhaíochtaí a liostaítear in Airteagal 9, mír 2 (a): "Gníomhaíochtaí a bhaineann le gréasáin éifeachtúla idirnasctha agus ilmhódacha";

40 % i gcomhair na ngníomhaíochtaí a liostaítear in Airteagal 9, mír 2 (b): "Gníomhaíochtaí a bhaineann le soghluaisteacht chliste, inbhuanaithe, chuimsitheach, shábháilte agus shlán".

Déanfar na hacmhainní buiséadacha dá dtagraítear in Airteagal 4, mír 2(a)(ii) a dháileadh ar na cuspóirí sonracha mar a leanas:

85 % i gcomhair na ngníomhaíochtaí a liostaítear in Airteagal 9, mír 2 (a): "Gníomhaíochtaí a bhaineann le gréasáin éifeachtúla idirnasctha agus ilmhódacha";

15 % i gcomhair na ngníomhaíochtaí a liostaítear in Airteagal 9, mír 2 (b): "Gníomhaíochtaí a bhaineann le soghluaisteacht chliste, inbhuanaithe, chuimsitheach, shábháilte agus shlán".

I gcás na ngníomhaíochtaí a liostaítear in Airteagal 9, mír 2(a), ba cheart 85 % de na hacmhainní buiséadacha a leithdháileadh ar ghníomhaíochtaí a bhaineann leis an gcroíghréasán agus 15 % ar ghníomhaíochtaí a bhaineann leis an ngréasán cuimsitheach.

**CUID III: CONAIRÍ AN CHROÍGHRÉASÁIN IOMPAIR AGUS NAISC
THRASTEORANN MAIDIR LEIS AN nGRÉASÁN CUIMSITHEACH**

Conairí an chroíghréasáin iompair agus liosta táscach na nasc trasteorann agus na nasc atá in easnamh

"Conair an Atlantaigh" den chroíghréasán		
Ailíniú	Gijón – León – Valladolid A Coruña – Vigo – Orense – León Zaragoza – Pamplona/Logroño – Bilbao Tenerife/Gran Canaria – Huelva/Sanlúcar de Barrameda – Sevilla – Córdoba Algeciras – Bobadilla – Maidrid Sines/Liospóin– Maidrid – Valladolid Liospóin — Aveiro — Leixões/Porto — Douro (abhainn) Sionainn-Faing/Baile Átha Cliath/Corcaigh – Le Havre – Rouen – Páras Aveiro – Valladolid – Vitoria-Gasteiz – Bergara – Bilbao/Bordeaux – Tours – Páras– Metz – Mannheim/Strasbourg Saint Nazaire – Nantes – Tours	
Naisc trasteorann	Evora – Merida	Iarnród
	Vitoria-Gasteiz – San Sebastián – Bayonne – Bordeaux	
	Aveiro – Salamanca	
	Abhainn an Douro (Via Navegável do Douro)	Uiscebhealaí intíre
Naisc in easnamh	Línte idir-inoibritheachta Leithinis na hIbéire nach bhfuil ar leithead UIC	Iarnród

"Conair Mhuir Bhailt – Mhuir Aidriad" den chroíghréasán		
Ailíniú	Gdynia – Gdańsk – Katowice/Sławków Gdańsk – Warszawa – Katowice/Kraków Katowice – Ostrava – Brno – Vín Szczecin/Świnoujście – Poznań – Wrocław – Ostrava Katowice – Bielsko-Biała – Žilina – Bratislava – Vín Vín– Graz– Villach – Udine – Trieste Udine – Venezia – Padova – Bologna – Ravenna – Ancona Graz – Maribor – Liúibleána – Koper/Trieste	
Naisc thrasteorann	Katowice/Opole – Ostrava – Brno Katowice – Žilina Bratislava – Vín Graz – Maribor Venezia – Trieste – Divača – Liúibleána	Iarnród
	Katowice – Žilina Brno – Vín	Bóthar
Naisc in easnamh	Gloggnitz – Mürzzuschlag: Buntollán Semmering Graz – Klagenfurt: Líne iarnróid agus tollán Koralm Koper – Divača	Iarnród

"Conair na Meánmhara" den chroíghréasán		
Ailíniú	Algeciras – Bobadilla – Maidrid – Zaragoza – Tarragona Maidrid – Valencia – Sagunto – Teruel – Zaragoza Sevilla – Bobadilla – Murcia Cartagena – Murcia – Valencia – Tarragona/Palma de Mallorca – Barcelona Tarragona – Barcelona – Perpignan – Marseille – Genova/Lyon – La Spezia/Torino – Novara – Milano – Bologna/Verona – Padova – Venezia – Ravenna/Trieste/Koper – Liúibleána – Búdaipeist Liúibleána/Rijeka – Zagreb – Búdaipeist – teorainn na hÚcráine	
Naisc thrasteorann	Barcelona – Perpignan	Iarnród
	Lyon – Torino: buntollán agus bealaí rochtana	
	Nice – Ventimiglia	
	Venezia – Trieste – Divača – Liúibleána	
	Liúibleána – Ságrab	
	Ságrab– Búdapeist	
	Búdaipeist – Miskolc – teorainn na hÚcráine	
	Lendava – Letenye	Bóthar
	Vásárosnamény – teorainn na hÚcráine	
Naisc in easnamh	Almería – Murcia	Iarnród
	Línte idir-inoibritheachta Leithinis na hIbéire nach bhfuil ar leithead UIC	
	Perpignan – Montpellier	
	Koper – Divača	
	Rijeka – Ságrab	
	Milano – Cremona – Mantova – Porto Levante/Venezia – Ravenna/Trieste	Uiscebhealaí Intíre

"Conair na Mara Thuaidh – Mhuir Bhailt" den chroíghréasán		
Ailíniú	Luleå – Heilsincí — Taillinn — Ríge Ventspils – Ríge Ríge– Kaunas Klaipeda – Kaunas – Vilnias Kaunas – Vársá Teorainn na Bealarúise – Vársá – Łódź – Poznań – Frankfurt/Oder – Beirlín – Hamburg – Kiel Łódź – Katowice/Wrocław Teorainn na hÚcráine – Rzeszów – Katowice – Wrocław – Falkenberg – Magdeburg Szczecin/Świnoujście – Beirlín – Magdeburg – Braunschweig – Hannover Hannover – Bremen – Bremerhaven/Wilhelmshaven Hannover – Osnabrück – Hengelo – Almelo – Deventer – Utrecht Utrecht – Amstardam Utrecht – Rotterdam – Antwerpen Hannover – Köln – Antwerpen	
Naise trasteorann	Taillinn – Ríge — Kaunas — Vársá: líne lán-idir-inoibritheach ar leithead UIC de chuid Rail Baltica	Iarnród
	Świnoujście/Szczecin – Beirlín	Iarnród/Uiscebheal aí Intíre
	Conair "Via Baltica" EE-LV-LT-PL	Bóthar
Naise in easnamh	Kaunas – Vilnias	Iarnród
	Vársá/Idzikowice – Poznań/Wrocław, lena n-áirítear naisc leis an Mol Iompair Lárnach atá beartaithe	
	Canál Kiel	
	Beirlín – Magdeburg – Hannover; Canál Mittelland; canáil iartharacha na Gearmáine	Uiscebhealaí intíre
	Rhine, Waal	
	Canál Noordzee, IJssel, Canál Twente	

"Conair na Mara Thuaidh – na Meánmhara" den chroíghréasán		
Ailíniú	Béal Feirste – Baile Átha Cliath – Sionainn-Faing/Corcaigh Sionainn-Faing/Baile Átha Cliath/Corcaigh – Le Havre/Calais/Dunkerque/Zeebrugge/Terneuzen/Gent/Antwerpen/ Rotterdam/Amstardam Glaschú/Dún Éideann — Learpholl/Manchain — Birmingham— Birmingham – Felixstowe/Londain/Southampton Londain – Lille – an Bhruiséil Amstardam – Rotterdam – Antwerpen – an Bhruiséil - Lucsamburg Lucsamburg – Metz – Dijon – Macon – Lyon – Marseille Lucsamburg – Metz – Strasbourg – Basel Antwerpen/Zeebrugge – Gent – Calais/Dunkerque/Lille – Páras– Rouen– Le Havre	
Naisc trasteorann	An Bhruiséil – Lucsamburg– Strasbourg	Iarnród
	Terneuzen – Gent	Uiscebhealaí intíre
	Seine – Gréasán an Escaut agus abhantracha na Séine, an Escaut agus an Meuse a bhaineann leis	
	Conair "Rhine-Scheldt"	
Naisc in easnamh	Albertkanaal/Canal Albert agus Canal Bocholt-Herentals	Uiscebhealaí intíre
	Dunkerque – Lille	

"Conair an Oirthir – na Meánmhara Thoir" den chroíghréasán		
Ailíniú	Hamburg – Beirlín Rostock – Beirlín – Dresden Bremerhaven/Wilhelmshaven – Magdeburg – Dresden Dresden – Ústí nad Labem – Melnik/Praha – Lysá nad Labem/Poříčany – Kolin Kolin – Pardubice – Brno – Vín/an Bhrataisláiv — Búdaipeist — Arad — Timișoara — Craiova – Calafat – Vidin – Sóifia Sóifia – Teorainn Phoblacht na Seirbia/Teorainn Phoblacht iar-Iúgslavach na Macadóine Sóifia – Plovdiv – Burgas/Teorainn na Tuirce Teorainn na Tuirce – Alexandroupoli – Kavala – Thessaloniki – Ioannina – Kakavia/Igoumenitsa Teorainn Phoblacht iar-Iúgslavach na Macadóine – Thessaloniki Sóifia – Thessaloniki – an Aithin– Piraeus/Ikonio – Heraklion – Lemesos (Vasiliko) – an Niocóis/Larnaka An Aithin– Patras/Igoumenitsa	
Naise thrasteorann	Dresden – Praha/Kolín	Iarnród
	Vín/an Bhrataisláiv — Búdaipeist	
	Békéscsaba – Arad – Timișoara	
	Craiova – Calafat – Vidin – Sofia – Thessaloniki	
	Sofia – Teorainn Phoblacht na Seirbia/Teorainn Phoblacht iar-Iúgslavach na Macadóine	
	Teorainn na Tuirce– Alexandroupoli	
	Teorainn Phoblacht Iar-Iúgslavach na Macadóine – Thessaloniki	
	Ioannina – Kakavia (Teorainn na hAlbáine)	Bóthar
	Drobeta Turnu Severin/Craiova – Vidin – Montana	
	Sóifia – Teorainn Phoblacht na Seirbia	
	Hamburg – Dresden – Prág – Pardubice	Uiscebhealaí intíre

Naisc easnamh	in	Igoumenitsa - Ioannina	Iarnród
		Prág– Brno	
		Thessaloniki – Kavala – Alexandroupoli	
		Timișoara – Craiova	

"Conair na Réine – na nAlp" den chroíghréasán		
Ailíniú	Genova – Milano – Lugano – Basel	
	Genova – Novara – Brig – Bern – Basel – Karlsruhe – Mannheim – Mainz – Koblenz – Köln	
	Köln – Düsseldorf – Duisburg – Nijmegen/Arnhem – Utrecht – Amstardam	
	Nijmegen – Rotterdam – Vlissingen	
	Köln– Liège – an Bhruiséil – Gent	
	Liège – Antwerpen – Gent – Zeebrugge	
Naisc thrasteorann	Zevenaar – Emmerich – Oberhausen	
	Karlsruhe – Basel	
	Milano/Novara – teorainn na hEilvéise	
	Basel – Antwerpen/Rotterdam – Amstardam	Uiscebhealaí intíre
Naisc in easnamh	Genova – Tortona/Novi Ligure	Iarnród
	Zeebrugge – Gent	

"Conair na Réine – na Danóibe" den chroíghréasán		
Ailíniú	Strasbourg – Stuttgart – München – Wels/Linz Strasbourg – Mannheim – Frankfurt – Würzburg – Nürnberg – Regensburg – Passau – Wels/Linz München/Nürnberg – Prág– Ostrava/Přerov – Žilina – Košice – teorainn na hÚcráine Wels/Linz – Vín — an Bhratasláiv — Búdaipeist — Vukovar– Vín/an Bhratasláiv — Búdaipeist — Arad — Brašov/Craiova – București – Constanta – Sulina	
Naisc thrasteorann	München – Prág	Iarnród
	Nürnberg – Plzen	
	München – Mühldorf – Freilassing – Salzburg	
	Strasbourg – Kehl Appenweier	
	Hranice – Žilina	
	Košice – Teorainn na hÚcráine	
	Vín — Búdaipeist/an Bhratasláiv	
	An Bhratasláiv — Búdaipeist	
	Békéscsaba – Arad – Timișoara	
	An Danóib (Kehlheim – Constanța/Midia/Sulina) agus abhantracha Váh, an Sava agus an Tisza a bhaineann léi	Uiscebhealaí Intíre
	Zlín – Žilina	Bóthar
Naisc in easnamh	Stuttgart – Ulm	Iarnród
	Salzburg – Linz	
	Craiova – Bucharest	
	Sighișoara – Predeal	

"Conair Chríoch Lochlann – na Meánmhara" den chroíghréasán		
Ailíniú	Teorainn na Rúise – Hamina/Kotka – Heilsinci– Turku/Naantali – Stócólm– Örebro(Hallsberg)/Linköping – Malmö Narvik/Oulu – Luleå – Umeå – Stócólm/Örebro(Hallsberg) Osló – Goteburg – Malmö – Trelleborg Malmö – København – Fredericia – Aarhus – Aalborg – Hirtshals/Frederikshavn København – Kolding/Lübeck – Hamburg – Hannover Bremerhaven – Bremen – Hannover – Nürnberg Rostock – Beirlín – Leipzig – München Nürnberg – München – Innsbruck – Verona – Bologna – Ancona/Firenze Livorno/La Spezia – Firenze – an Róimh – Napoli – Bari – Taranto – Valletta/Marsaxlokk Cagliari – Napoli – Gioia Tauro – Palermo/Augusta – Valletta/Marsaxlokk	
Naisc trasteorann	Teorainn na Rúise – Heilsinci	Iarnród
	Cóbanhávan – Hamburg: bealaí rochtana chuig nasc seasta Chaolas Fehmarn	
	München – Wörgl – Innsbruck – Fortezza – Bolzano – Trento – Verona: buntollán Brenner agus bealaí rochtana chuige	
	Cóbanhávan – Hamburg: nasc seasta Chaolas Fehmarn	Iarnród/Bóthar

Liosta táscach de naisc thrasteorann ar an ngréasán cuimsitheach

Tá na codanna seo a leanas, go háirithe, san áireamh sna codanna trasteorann den ghréasán cuimsitheach dá dtagraítear in Airteagal 9(2)(a)(ii) den Rialachán seo:

Baile Átha Cliath – An Srath Bán – Leitir Ceanainn	Bóthar
Pau – Huesca	Iarnród
Lyon – teorainn na hEilvéise	Iarnród
Athus – Mont-Saint-Martin	Iarnród
Breda – Venlo – Viersen – Duisburg	Iarnród
Antwerpen – Duisburg	Iarnród
Mons – Valenciennes	Iarnród
Gent – Terneuzen	Iarnród
Heerlen – Aachen	Iarnród
Groningen – Bremen	Iarnród
Stuttgart – teorainn na hEilvéise	Iarnród
Gallarate/Sesto Calende – teorainn na hEilvéise	Iarnród
Beirlín – Rzepin/Horka – Wrocław	Iarnród
Prág – Linz	Iarnród
Villach – Ljubljana	Iarnród
Pivka – Rijeka	Iarnród
Plzeň – České Budějovice – Vín	Iarnród
Vín - Győr	Iarnród
Graz - Celldömölk – Győr	Iarnród
Neumarkt-Kallham - Mühldorf	Iarnród
Conair an Ómra PL-SK-HU	Iarnród

Conair "Via Carpathia" teorainn na Bealarúise/na hÚcráine-PL-SK-HU-RO	Bóthar
Focșani – teorainn na Moldóive	Bóthar
Búdaipeist – Osijek – Svilaj (teorainn na Boisia agus na Heirseagaivéine)	Bóthar
Faro – Huelva	Iarnród
Porto – Vigo	Iarnród
Giurgiu – Varna/Bourgas	Iarnród
Svilengrad – Pithio	Iarnród

CUID IV: Tionscadail trasteorann i réimse an fhuinnimh in-athnuaite a shainaithint

1. Cuspóir na dtionscadal trasteorann i réimse an fhuinnimh in-athnuaite

Maidir le tionscadail trasteorann i réimse an fhuinnimh in-athnuaite, cuirfear chun cinn leo an comhar trasteorann idir na Ballstáit maidir le foinsí in-athnuaite fuinnimh a phleanáil, a fhorbairt agus a shaothrú ar bhealach costéifeachtach, mar aon lena gcomhtháthú a éascú trí shaoráidí stórála fuinnimh.

2. Critéir ghinearálta

D'fhonn a bheith incháilithe mar thionscadal trasteorann i réimse an fhuinnimh in-athnuaite, comhlíonfaidh tionscadal gach ceann de na critéir ghinearálta seo a leanas:

- (a) beidh sé san áireamh i gcomhaontú comhair nó i socrú d'aon chineál eile idir na Ballstáit agus/nó idir na Ballstáit agus tríú tíortha mar a leagtar amach i dTreoir [(AE) 2018/XXXX ó Pharlaimint na hEorpa agus ón gComhairle (an Treoir maidir le Fuinneamh In-athnuaite)];
- (b) laghdófar an costas trí úsáid a bhaint as foinsí in-athnuaite fuinnimh agus beidh sochair le baint as maidir le comhtháthú córas, slándáil an tsoláthair nó nuálaíocht;
- (c) is mó iad na sochair fhoriomlána is féidir a bhaint as an gcomhar ná na costais a bhaineann leis an tionscadal, na costais san fhadtréimhse san áireamh, de réir an mheasúnaithe ar bhonn na hanailíse costais/sochair dá dtagraítear i bpointe 3 agus tríd an modheolaíocht dá dtagraítear in Airteagal [7] á cur i bhfeidhm

3. Anailís chostais/sochair

San anailís chostais/sochair dá dtagraítear i bpointe 2(c) thuas, cuirfear san áireamh i leith gach ceann de na Ballstáit nó na tríú tíortha rannpháirteacha an tionchar ar, *inter alia*, na gnéithe seo a leanas:

- (a) na costais a bhaineann le leictreachas a ghiniúint;
- (b) na costais a bhaineann le comhtháthú córas;
- (c) costas tacaíochta;
- (d) astaíochtaí gás ceaptha teasa;

- (e) slándáil an tsoláthair;
- (f) truailliú an aeir agus truailliú áitiúil eile a laghdú;
- (g) nuálaíocht.

4. Próiseas

I gcás tionscnóirí tionscadail, lena n-áirítear na Ballstáit, a d'fhéadfadh a bheith incháilithe le bheith roghnaithe mar thionscadal trasteorann i réimse an fhuinnimh in-athnuaite faoi chomhaontú comhair nó faoi shocrú d'aon chineál eile idir na Ballstáit agus/nó idir na Ballstáit agus tríú tíortha mar a leagtar amach in Airteagail 6, 7, 9, nó 11 de Threoir 2009/28/CE, agus atá ag iarraidh stádas tionscadal trasteorann a bhaint amach i réimse an fhuinnimh in-athnuaite, cuirfidh siad faoi bhráid an Choimisiúin iarratas le bheith roghnaithe mar thionscadal trasteorann i réimse an fhuinnimh in-athnuaite. Áireofar san iarratas an fhaisnéis ábhartha le go bhféadfaidh an Coimisiún an tionscadal a mheas de réir na gcritéar a leagtar síos i bpointe 2 agus i bpointe 3, i gcomhréir leis na modheolaíochtaí dá dtagraítear in Airteagal 7.

Áiritheoidh an Coimisiún go dtabharfar an deis do thionscnóirí cur isteach ar stádas tionscadal trasteorann i réimse an fhuinnimh in-athnuaite uair amháin sa bhliain ar a laghad.

Seolfaidh an Coimisiún comhairliúcháin iomchuí maidir leis an liosta de na tionscadail arna gcur isteach lena bheith ina dtionscadail trasteorann i réimse an fhuinnimh in-athnuaite. Beidh na Ballstáit rannpháirteach sa chinneadh maidir le liosta na dtionscadal trasteorann a roghnaítear i réimse an fhuinnimh in-athnuaite agus tabharfar an fhaisnéis seo a leanas dóibh i leith gach togra tionscadail a cuireadh isteach:

- dearbhú gur comhlíonadh na critéir incháilitheachta agus roghnúcháin i gcás gach tionscadail;
- faisnéis faoin sásra comhair lena mbaineann an tionscadal agus faisnéis faoina méid atá Ballstát amháin nó roinnt Ballstát ag tacú le tionscadal;
- cur síos ar chuspóir an tionscadail, lena n-áirítear an líon measta (in kW) agus, i gcás ina mbeidh fáil air, táirgeadh fuinnimh in-athnuaite (in kWh in aghaidh na bliana), maille le costais iomlána tionscadail agus costais incháilithe a ndéantar tagairt dóibh, in euro;
- faisnéis faoi bhreisluach measta AE i gcomhréir le mír 2 (b) den Iarscríbhinn seo agus faoi na costais agus na sochair a bhfuiltear ag súil leo agus faoi bhreisluach measta AE i gcomhréir le mír 2 (c) den Iarscríbhinn seo.

Glacfaidh an Coimisiún an liosta deiridh de na tionscadail trasteorann a roghnaítear i réimse an fhuinnimh in-athnuaite de bhíthin gníomh tarmligthe ar bhonn dréachtliosta arna mholadh ag na Ballstáit agus comhaontú ina leith sa ghrúpa inniúil, agus foilseoidh sé liosta de na tionscadail trasteorann a roghnaítear i réimse an fhuinnimh in-athnuaite ar a shuíomh gréasáin.

Déanfaidh an Coimisiún meastóireacht ar na hiarratais de réir na gcritéar a leagtar síos i bpointe 2 agus i bpointe 3.

Féachfaidh an Coimisiún lena áirithiú, agus na tionscadail trasteorann i réimse an fhuinnimh in-athnuaite á roghnú aige, go mbainfear amach cothromaíocht gheografach chuí maidir le sainathint tionscadal trasteorann i réimse an fhuinnimh in-athnuaite. Féadfar grúpálacha réigiúnacha a úsáid le haghaidh tionscadail a shainaithint.

Ní roghnófar tionscadal mar thionscadal trasteorann i réimse an fhuinnimh in-athnuaite, nó tarraingeofar siar a stádas, más rud é go raibh an mheastóireacht air bunaithe ar fhaisnéis mhícheart ar thoisc chinntitheach í sa mheastóireacht, nó mura gcomhlíontar dlí an Aontais leis an tionscadal.

Foilseoidh an Coimisiún ar a shuíomh gréasáin liosta de na tionscadail trasteorann a roghnaíodh i réimse an fhuinnimh in-athnuaite.

CUID V – TIONSCADAIL LEASA CHOITINN I dTAOBH BONNEAGAR NASCACHTA DIGITÍ

1. Nascacht ghigighiotáin le gníomhaithe socheacnamaíocha

Agus bearta á gcur in ord tosaíochta, tabharfar aird ar fheidhm na ngníomhaithe socheacnamaíocha, ábharthacht na seirbhísí digiteacha agus na bhfeidhmchlár arna gcumasú tríd an nascacht is bun leo a chur ar fáil, agus na sochair shocheacnamaíocha a d'fhéadfadh a bheith ann do shaoránaigh, do ghnólaigh agus do phobail áitiúla, lena n-áirítear na hiarmhairtí féideartha i dtéarmaí nascachta. Is go cothrom ó thaobh geografaíochta de ar fud na mBallstát a leithdháilfear an buiséad atá ar fáil.

Tabharfar tús áite do ghníomhaíochtaí a rannchuidíonn leis an méid seo a leanas:

- Nascacht ghigighiotáin d'ospidéal agus d'ionaid leighis, i gcomhréir leis na hiarrachtaí chun digitiú a dhéanamh ar an gcóras cúraim sláinte, d'fhonn cur le folláine shaoránaigh an Aontais Eorpaigh agus athrú a dhéanamh ar an gcaoi a soláthraítear seirbhísí sláinte agus seirbhísí cúraim d'othair³¹;
- Nascacht ghigighiotáin d'ionaid oideachais agus d'ionaid taighde, i gcomhthéacs na n-iarrachtaí chun bearnaí digiteacha a dhúnadh agus chun gabháil don nuálaíocht i gcórais oideachais, chun feabhas a chur ar thorthaí foghlama, ar chothromas agus ar éifeachtúlacht.³²

2. Nascacht idirlín gan sreang i bpobail áitiúla

Maidir leis na bearta arb é is aidhm leo nascacht idirlín áitiúil gan sreang atá saor in aisce agus gan coinníollacha idirdhealaitheacha a sholáthar in ionaid a thaithíonn an pobal, lena n-áirítear ionaid amuigh faoin aer ar a bhfuil rochtain ag an bpobal i gcoitinne agus ar áiteanna tábhachtacha iad i saol an phobail áitiúil, beidh siad faoi réir ag na coinníollacha seo a leanas chun cistiú a fháil:

³¹ Féach freisin COM(2018) 233 final – Teachtaireacht ón gCoimisiún maidir le cumasú a dhéanamh ar chlaonlú digiteach na sláinte agus an chúraim sa Mhargadh Aonair Digiteach; cumhacht a thabhairt do shaoránaigh agus sochaí níos sláintiúla a thógáil.

³² Féach freisin COM(2018) 22 final – Teachtaireacht ón gCoimisiún maidir leis an bPlean Gníomhaíochta don Oideachas Digiteach

- gur comhlacht de chuid na hearnála poiblí dá dtagraítear sa mhír thíos a chuirfidh chun feidhme iad, ar comhlacht é a bhfuil sé ar a chumas suiteáil lárphointí rochtana idirlín áitiúil gan sreang i spásanna poiblí laistigh agus lasmuigh a phleanáil agus maoirseacht a dhéanamh ar an tsuiteáil sin, mar aon le maoiniú na gcostas oibriúcháin a áirithiú ar feadh 3 bliana ar a laghad;
- go ndéanfaidh siad forbairt ar líonraí digiteacha an-ardtoillte lenar féidir seirbhís idirlín ar cháilíocht an-ard a chur ar fáil d'úsáideoirí, ar seirbhís í:
- atá saor in aisce gan coinníollacha idirdhealaitheacha, is féidir a rochtain go héasca, atá slán agus a úsáideann trealamh is nuaí agus is úrscothaí, lenar féidir nascacht ardluais a sholáthar dá húsáideoirí; agus
- a thacaíonn le rochtain ar sheirbhísí digiteacha nuálacha;
- go n-úsáidfear an sainaitheantas coiteann físeach a chuirfidh an Coimisiún ar fáil agus an nasc chuig na huirlisí gaolmhara ar líne;
- go dtabharfar gealltanais go soláthrófar an trealamh agus/nó na seirbhísí gaolmhara suiteála is gá i gcomhréir leis an dlí is infheidhme chun a áirithiú nach ndéanfaidh tionscadail an iomaíocht a shaobhadh go míchuí.

Beidh cúnamh airgeadais ar fáil do chomhlachtaí de chuid na hearnála poiblí mar a shainmhínítear i bpointe (1) d'Airteagal 3 de Threoir (AE) Uimh. 2016/2102 ó Pharlaimint na hEorpa agus ón gComhairle³³, lena dtugtar gealltanais, i gcomhréir leis an dlí náisiúnta, faoi nascacht idirlín áitiúil gan sreang atá saor in aisce agus gan coinníollacha idirdhealaitheacha a sholáthar trí lárphointí rochtana idirlín áitiúil gan sreang a shuiteáil.

Na gníomhaíochtaí a chisteofar, ní dhéanfaidh siad dubailt ar thairiscintí poiblí nó príobháideacha saor in aisce atá ann sa spás poiblí céanna agus a bhfuil saintréithe comhchosúla acu.

³³ Treoir (AE) Uimh. 2016/2102 ó Pharlaimint na hEorpa agus ón gComhairle an 26 Deireadh Fómhair 2016 maidir le hinrochtaineacht suíomhanna gréasáin agus feidhmchlár móibíleach de chuid comhlachtaí san earnáil phoiblí (IO L 327, 2.12.2016, lch. 1).

Is go cothrom ó thaobh geografaíochta de ar fud na mBallstát a leithdháilfear an buiséad atá ar fáil.

In aon chás is ábhartha, áiritheofar comhordú agus comhchuibheas le bearta SCE a thacaíonn le rochtain a bheith ag gníomhaithe socheacnamaíocha ar líonraí an-ardtoillte atá in ann nascacht ghigighiotáin a sholáthar.

Liosta táscach na gconairí 5G atá incháilithe chun cistiú a fháil

I gcomhréir le cuspóirí na sochaí gigighiotáin atá leagtha amach ag an gCoimisiún lena áirithiú go mbeidh cumhdach 5G gan bhriseadh ar gach mórbhealach iompair trastíre faoi 2025³⁴, is é a bheidh sna gníomhaíochtaí lena gcuirtear chun feidhme cumhdach gan bhriseadh le córais 5G de bhun Airteagal 9, mír 4(c), sa chéad chéim, gníomhaíochtaí i leith na gcodanna trasteorann ar mhaithe le soghluaisteacht nasctha uathrialaithe³⁵ a thástáil, agus, sa dara céim, gníomhaíochtaí maidir le codanna níos fairsinge ar mhaithe le soghluaisteacht nasctha uathrialaithe a úsáid ar scála níos mó feadh na gconairí, mar a léirítear sa tábla thíos (liosta táscach). Baintear leas as conairí TEN-T mar bhonn chun na críche sin ach ní gá gur ar na conairí sin amháin a bhainfear feidhm as 5G.

"Conair an Atlantaigh" den chroíghréasán	
Codanna trasteorann i gcomhair soghluaisteacht nasctha uathrialaithe a thástáil	Porto-Vigo agus Merida-Evora agus Aveiro – Salamanca
Cuid níos fairsinge i gcomhair soghluaisteacht nasctha uathrialaithe a úsáid ar scála níos mó	Metz – Páras – Bordeaux – Bilbao – Vigo – Porto – Liospóin Bilbao – Maidrid – Liospóin
"Conair Mhuir Bhailt – Mhuir Aidriad" den chroíghréasán	
Codanna trasteorann i gcomhair soghluaisteacht nasctha uathrialaithe a thástáil	-
Cuid níos fairsinge i gcomhair soghluaisteacht nasctha uathrialaithe a úsáid ar scála níos mó	Gdansk – Vársá – Brno – Vín– Graz – Liúibleána – Koper – Trieste

³⁴ Nascacht i gcomhair Margadh Aonair Digiteach atá Iomaíoch – I dTreo Sochaí Ghigighiotáin Eorpach – COM(2016)587

³⁵ Soghluaisteacht Nasctha Uathrialaithe

"Conair na Meánmhara" den chroíghréasán	
Codanna trasteorann i gcomhair soghluaisteacht nasctha uathrialaithe a thástáil	-
Cuid níos fairsinge i gcomhair soghluaisteacht nasctha uathrialaithe a úsáid ar scála níos mó	Búdaipeist – Ságrab – Liúibleána/ Rijeka / Split
"Conair na Mara Thuaidh – Mhuir Bhailt" den chroíghréasán	
Codanna trasteorann i gcomhair soghluaisteacht nasctha uathrialaithe a thástáil	Vársá – Kaunas – Vilnias/Klaipėda
Cuid níos fairsinge i gcomhair soghluaisteacht nasctha uathrialaithe a úsáid ar scála níos mó	Taillinn – Ríge – Kaunas – Teorainn na Liotuáine/na Polainne – Vársá Teorainn na Bealarúise/na Liotuáine – Vilnias – Kaunas – Klaipėda
"Conair na Mara Thuaidh – na Meánmhara" den chroíghréasán	
Codanna trasteorann i gcomhair soghluaisteacht nasctha uathrialaithe a thástáil	Metz – Merzig – Lucsamburg Rotterdam – Antwerpen – Eindhoven
Cuid níos fairsinge i gcomhair soghluaisteacht nasctha uathrialaithe a úsáid ar scála níos mó	Amstardam – Rotterdam – Breda – Lille – Páras An Bhruiséil – Metz – Basel Mulhouse – Lyon – Marseille
"Conair an Oirthir – na Meánmhara Thoir" den chroíghréasán	
Codanna trasteorann i gcomhair soghluaisteacht nasctha uathrialaithe a thástáil	Sóifía – Thessaloniki – Béalgrád
Cuid níos fairsinge i gcomhair soghluaisteacht nasctha uathrialaithe a úsáid ar scála níos mó	Beirlín – Prág — Brno — An Bhratasláiv — Košice Timișoara – Sóifía – teorainn na Tuirce Sóifía – Thessaloniki – an Aithin

"Conair na Réine – na nAlp" den chroíghréasán	
Codanna trasteorann i gcomhair soghluaisteacht nasctha uathrialaithe a thástáil	Bologna – Innsbrück – München (conair Brenner)
Cuid níos fairsinge i gcomhair soghluaisteacht nasctha uathrialaithe a úsáid ar scála níos mó	Rotterdam – Oberhausen – Frankfurt (M) Basel – Milano – Genova
"Conair na Réine – na Danóibe" den chroíghréasán	
Codanna trasteorann i gcomhair soghluaisteacht nasctha uathrialaithe a thástáil	-
Cuid níos fairsinge i gcomhair soghluaisteacht nasctha uathrialaithe a úsáid ar scála níos mó	Frankfurt (M) – Passau – Wien – Bratislava – Búdaipeist – Osijek - Vukovar - Bucharest – Constanta Karlsruhe – München – Salzburg – Wels Frankfurt (M) – Strasbourg
"Conair Chríoch Lochlann – na Meánmhara" den chroíghréasán	
Codanna trasteorann i gcomhair soghluaisteacht nasctha uathrialaithe a thástáil	Oulu – Tromsø Oslo – Stócólm – Heilsincí
Cuid níos fairsinge i gcomhair soghluaisteacht nasctha uathrialaithe a úsáid ar scála níos mó	Turku – Heilsincí – teorainn na Rúise Stócólm/ Oslo – Malmö Malmö – Cóbanhávan – Hamburg – Würzburg Nürnberg – München – [Verona] Rosenheim – Bologna – Napoli – Catania – Palermo Napoli – Bari – Taranto
Trí Carpathia	Klaipėda – Kaunas - Ełk – Białystok – Lublin – Rzeszów - Barwinek